

摘藻堂四庫全書薈要

子部

欽定四庫全書薈要

子部

御定淵鑑類函卷一百三十



詳校官兵部主事臣雷純

欽定四庫全書舊要卷一萬一千五百七十八

子部

御定淵鑑類函卷一百三十

政術部九

禮賢

任賢

得賢

知人

不求備

檀賑貸附

求糴

興利

方略

勸課

得民

不拾遺

禮賢一



原呂氏春秋周公旦曰吾不如者吾不與處累我者也
與吾齊者吾不與處無益我者也惟賢者必與賢於已
者處賢者之可得與處也禮之也孟子曰用上敬下

謂之尊賢 說苑燕昭王問於郭隗曰齊人削取八城

恐危社稷存之有道乎郭隗曰有昭王避席願聞之郭
隗曰帝者之臣其名臣也其實師也王者之臣其名臣
也其實友也霸者之臣其名臣也其實賓也危國之臣
其名臣也其實虜也今王將東面目指氣使以求臣則
厮役之材至矣南面聽朝不失揖讓之禮以求臣則人
臣之材至矣西面等禮相亢下之以色不乘勢以求臣
則朋友之材至矣北面拘指逡巡而退以求臣則師傅

之材至矣 增漢文帝置三老孝悌力田常員詔曰孝

悌天下之大順也力田爲生之本也三老衆民之師也

廉吏民之表也朕甚嘉此二三大夫之行今萬家之縣

云無應令豈實人情是吏舉賢之道未備也其遣謁者

勞賜三老孝者帛人五匹悌者力田二匹廉吏二百石

以上率百石者三匹及問民所不便安而以戶口率置

三老孝悌力田常員令各率其意以導民焉 經濟類

編賈誼曰王者官人有六等一曰師二曰友三曰大臣

四曰左右五曰侍御六曰廝役取師之禮出位而朝之
取友之禮以身先焉取大臣之禮皮幣先焉取左右之
禮使使者先焉取侍御之禮以令至焉取廝役之禮以
令召矣 劉向曰游江漢者託於船致遠道者托於乘
欲伯王者托於賢伊尹呂尚管夷吾百里奚此伯王之
船乘也 晉書曰濟陰太守蜀人文立表以命士有贊
爲煩請絕其禮幣詔從之皇甫謐聞而歎曰亡國之大
夫不可與圖存而以革歷代之制其可乎夫束帛戔戔

易之明義玄纁之贄自古之舊也若湯與文王或身即
莘野或就載以歸唯恐禮之不重豈吝其煩費哉且一
禮不備貞女恥之况命士乎 經濟類編曰唐代宗嘗

問闕播以為政之要對曰為政之本必求有道賢人與
之為理代宗曰朕比以下詔求賢又遣使廣加搜訪須
能者用之若何對曰下詔所求及使者所薦唯得文辭
干進之士耳安有有道賢人肯隨牒舉選乎 唐書李
絳謂憲宗曰與大臣言敬而信無使小人參焉與賢者

游親而禮無使不肖與焉 又曰聖王選當代之人極其才分自可致治豈借賢異代治今日之人哉天子不以己能蓋人痛折節下士則天下賢者乃出 事文類聚曰宰相自唐以來謂之禮絕百僚見者無長幼皆拜宰相平立少垂手扶之送客未嘗下階坐稍久則吏從旁喝相公尊重客踧踏起及富鄭公為相雖微官布衣皆與之抗禮送之及門視其上馬自是羣公稍效之

禮賢二

原左傳曰文公十六年宋公子鮑禮於國人宋饑竭其粟而貸之年自七十以上無不饋詒也時加羞珍異無日不數於六卿之門國之材人無不事也親自桓以下無不恤也 呂氏春秋曰齊桓公告魯曰管夷吾寡人之讐也願得之而親加手焉魯君許諾乃使吏轡其拳膠其目盛之以鵠夷置之車中至齊境桓公使人以朝車迎之被以燿火爨以犧豕焉生與之如國命有司除廟筵几而薦之 增經濟類編曰齊桓公見小臣稷三

至不得見也從者曰萬乘之主布衣之士一日三至而
不得見亦可以止矣桓公曰不然士之傲爵祿者固輕
其主其主傲霸王者亦輕其士縱夫子傲爵祿吾庸敢
傲霸王乎五往而後得見 又曰甯戚欲干齊桓公窮
困無以自進於是為商旅賃車以適齊暮宿於郭門之
外桓公郊迎客夜開門辟賃居者執火甚盛從者甚衆
甯戚飮牛於車下望桓公而悲擊牛角疾商歌桓公聞
之執其僕之手曰異哉此歌者非常人也命後車載之

史記曰子貢所至國君無不分庭與之抗禮 又曰

戎王使由余於秦穆公示以宮室積聚由余曰使鬼為之則勞神矣使人為之人亦苦矣穆公於是與由余曲席而坐傳噐而食 原韓詩外傳曰楚莊王使使賁金百斤聘北郭先生先生曰臣有箕帚之婦願入計之即謂婦人曰楚欲以我為相今日相則結駟列騎食方丈於前如何婦人曰夫子以織屨為食食粥覓履無怵惕之憂者何哉與物無治也今如結駟列騎所安不過容

膝食方丈於前所甘不過一肉以容膝之安一肉之味而殉楚國之憂其可乎於是遂不應聘與婦去之史記曰孟嘗君在薛招致諸侯賓客及亡人有罪者皆歸孟嘗君孟嘗君舍業厚遇之以故傾天下之士食客數千人無貴賤一與文等又平原君傳曰虞卿者遊說之士也躡蹻擔簦說趙孝成王一見賜黃金百鎰白璧一雙再見為趙上卿故號為虞卿戰國策曰燕昭王卑身厚幣以招賢者往見郭隗曰敢問以國報讐者奈

何對曰王誠博選國中之賢而朝其門下天下聞王朝其賢臣天下之士必趨于燕昭王曰寡人將誰朝而可郭隗曰今王誠欲致士先從隗始隗且見事况賢于隗者乎於是昭王為隗築宮而師之士爭湊燕西京雜記曰平津侯自以布衣為宰相乃開東閣營客館以招天下之士其一曰欽賢館以待大賢次曰翹材館以待大才次曰接士館以待國士其有德任毗贊佐理陰陽者處欽賢之館其有才堪九列將軍二千石者居翹材

之館其有一介之善一方之藝居接士之館而躬自菲

薄所得俸祿以奉待之 增漢書曰初楚元王交禮待

申公等穆生不嗜酒元王每致酒常為穆生設醴及王
戊即位常設醴後忘設焉穆生退曰可以逝矣 事文

類聚曰漢樓護家居長安時成都侯商為大司馬衛將
軍輔政罷朝欲候護主簿諫將軍至尊不宜入閭巷商
不聽遂至護家家狹小官屬立車下久住移時天欲雨
主簿謂西曹諸掾曰不聽強諫反雨立閭巷 李膺有

疾不通賓客惟陳仲弓來乘輿出迎之 原魏志曰鉅

鹿張琚學兼內外前後辟命並不就後遷居任縣廣平
太守盧毓到官三日綱紀白承前致版謁琚毓教曰張
先生所謂上不事天子下不友諸侯者也此豈版謁所
可光飾哉但遣主簿奉書致羊酒之禮 吳志云周瑜

薦魯肅才宜佐時權即見肅與語甚悅衆賓罷退乃獨
引肅還合榻對飲 又劉基傳云孫權大暑時嘗於船
中宴飲於船樓上值雷雨權以蓋自覆又命覆基餘人

不得也 增事文類聚曰劉麟之少尚質素車騎將軍

桓冲聞名辟為長史固辭冲常到其家麟之於樹條桑
使者致命麟之曰使君既枉駕光臨宜先詣家君冲愧
詣其父 又曰郭林宗名益顯士爭歸之載刺常盈車

晉書曰元帝遷鎮東大將軍遺賀循書曰虛薄寡德
忝備近親謬荷寵位受任方鎮餐服元風景高矩常
願棄結駟之軒軌策柴車而造門徒有其懷而無從賢
之實者何良以寇逆殷擾志在竭節耳羣望顒顒實在

君侯庶稟徽猷以弘遠規今上尚書屈德為軍司謹遣
參軍某銜命奉授望必屈臨以副傾遲循猶不起 宋
書曰羊欣常詣領軍將軍謝混混拂席改服然後見之
時混族子靈運在坐退告族兄瞻曰將軍見羊欣遂易
衣改席欣由是益知名 唐書曰自德宗朝宰相歸私
第百官不敢及門裴度以方討不庭宰相宜日接多士
冀有所得因奏請通賓客許之四方布衣盡得以策干
宰相至今宰相私接士度之請也 宋史高宗時侍讀

范冲薦尹焞自代授左宣教郎充崇政殿說書以疾辭

冲奏給五百金為行資命漕臣奉詔至涪親遣始就道

至九江又疏辭張浚當國言其拒劉豫之節且所學有

大過人者乞令江州守臣津送至國門 元史元世祖

在潛藩以安車迎李俊民延訪無虛日 明紀事本末

明太祖為吳王時既下處州遣使以書幣聘青田劉基

浦江宋濂龍泉章溢麗水葉琛明年三月基等至建康

入見喜曰我為天下屈四先生命有司創禮賢館處之

禮賢三

原築臺

懸榻

郭隗謂燕昭王曰王欲禮賢請從隗始昭王乃築臺師事隗於是樂毅自魏往

鄒衍自齊往劇辛自趙往也後漢樂安太守陳蕃郡人周瑒高潔之士前後郡守招命不至唯蕃致之而不

名特為設一榻去則懸之瑒字宣之案與徐孺子事不同並存之

引車見朱亥

避

寢舍蓋公

史記魏有隱士侯生為夷門抱關公子欲厚遺之不受乃置酒大會侯生曰有客在市屠

中願枉車騎公子乃引車入市侯生下見朱亥睥睨久立公子顏色愈和漢書曹參為齊相聞有蓋公善治

黃老言使人厚幣請之既見公為言治道貴清靜而民自定乃避正寢舍之

降尊就卑

以貴下賤

大得民也易

隗囂與馬援共臥

關張與先主

同牀

後漢馬援從南幸黎丘轉至東海及還以為待詔使大中大夫來歙持節送援西歸隴右隗囂與援

共臥起問以東方流言及京師得失蜀志云先主為平原相以羽飛為別部司馬分統部曲先主與二人寢

則同牀恩若兄弟而稠人廣坐侍立終日隨先主周旋不避艱險

增栖筠執經問義

鉅夫奉詔求賢

唐書李栖筠拜西都團練觀察使增學廬表宿儒河南褚冲等起拜學官

身執經問義元史吳澄字幼清力聖賢之學侍御史程鉅夫奉詔求賢江南起澄至京師未幾以母老辭歸

懷金訪師道 守禮絕章惇

宋史陳師道初遊京師踰年未嘗一至貴人之

門傳堯俞欲識之先以問秦觀觀曰是人非持刺字倪顏色伺候乎公卿之門者殆難致也堯俞曰吾將見之懼其不吾見也子能介於陳君乎知其貧懷金欲為餽比至聽其議論益敬畏不敢出又曰章惇在樞府將

薦師道亦屬觀延之師道答曰辱書諭以章公降屈年
德以禮見招不佞何以得此公卿不下士尚矣乃特見
於今而親於其身幸孰大焉然先王之制士不傳贊為
臣則不見於王公所以成禮而其敝必至自鬻故謹其
始以為之防師道於公前有貴賤之嫌復無平生之舊
公雖可見禮可去乎且公之見招蓋以能守區區之禮
也若昧冒法義聞命走門公又何取焉幸公他日成功
謝事幅巾東歸師道當御款段乘下澤車候公於東門
外尚未晚也及悖為

改名高陽里

更署浩然亭

唐書

相又致意焉終不往

賀德仁越州山陰人與從兄德基師事周弘正以文辭
稱人為語曰學行可師賀德基文質彬彬賀德仁兄弟
八人比漢荀氏太守都陽王伯山改所居甘滂里為高
陽里又曰樊澤為節度使時孟浩然墓碑壞澤乃更
為刻碑鳳林山南封寵其墓初王維過郢州畫浩然像
于刺史亭因曰浩然亭咸通中刺史鄭誠謂賢者名不

可斤更署
曰孟亭

躬至簿廳 獨拜牀下

宋史呂午嘉定間校烏程主簿郡守

致之幕下事一決于午守張忠恕浚之孫也薦午尤力時忠恕之母就養而時時躬至簿廳迎午二親入郡與午皆衣彩衣奉觴上壽邦人榮之事文類聚諸葛孔明每至龐德公家獨拜牀下 延聘何基

師禮王栢

宋史何基師事黃幹淳固篤實絕類漢儒趙汝騰守婺延聘請講辭不就景定五年

詔舉賢特薦基與建人徐幾同理宗立授史館校勘終亦不就也又曰蔡抗楊棟相繼守婺趙景緯守台聘

王栢為麗澤上蔡兩書院師鄉之耆德皆執弟子之禮

李密修弟子禮 彌遠

置人才簿

唐書徐曠字文遠性方正舉動純重竇威楊元感李密王世充皆從受學隋越王侗署國

子祭酒時洛陽饑文遠自出城樵拾為李密所得密使文遠南向坐備弟子禮拜之文遠謝曰前日以先王之

道授將軍今將軍擁兵百萬威震四海猶能屈禮老夫
此盛德也安敢不盡將軍若欲為伊霍繼絕扶傾吾雖
老猶願盡力如為莽卓乘危迫險則僕髦矣無能為也
後歸高祖宋史呂午為烏程主簿史彌遠雖非賢相
猶置人才簿書賢士大夫以待用午治縣之政亦書之
差兩浙轉運司主管文字彌遠病久不見客午入謁特
出迎

還刺不通

書幣不啓

北齊神武東出李元忠載
素箒濁酒奉迎神武聞其

酒客未即見之元忠下車獨酌擘脯食之謂門者曰本
言公招延賢雋今國士到門不能吐哺輟洗其人可知
還吾刺勿復通門者以告神武邊見之宋史蘇雲卿
者廣漢人來豫章東湖結廬灌園少與張浚為布衣交
浚為相馳書函幣屬豫章帥及漕臣親造其廬帥漕乃
屏騎從入其圃翁運鋤不顧進而揖之士銍竹几地無
纖塵案上有漢書一冊遂叩其鄉里曰廣漢因言張德
遠廣漢人翁當識之且問其何如人曰賢人也第長于

知君子短于知小人客起而言曰張公令某等致書共濟大業因出書幣寘几上請共載不可期以詰朝旦跡之則書幣不啟家具如故而翁已遁矣帥漕復命浚拊几歎曰求之不早實懷竊位之羞

禮賢四

原吐握

周公下白屋之士一沐三握髮一飯三吐哺

灑埽

任延為會稽都尉有龍丘萇隱

居三公連辟不到延灑埽其門遣功曹奉謁相望于道積一歲萇乃乘輦詣府門願得生死備錄遂署議曹祭

酒尋

屏後記語

孟嘗君在薛每待客坐語屏後侍人主記與賓客語

車下伏

卒

謁

魏文侯師田子方太子擊遭于道下車伏謁子方不為禮擊因問曰富貴驕人乎貧賤驕人乎子方曰諸

侯驕人失國大夫驕人失家貧賤行不合去之楚越如脫屣

無忌下士

魏公子無忌仁而下

士無賢不肖謙而禮交之士爭往歸之諸侯不敢加兵於魏

董允下士

蜀志董允為尚書令

費禕典中軍期遊燕嚴駕已辦董恢詣允恢年少官微見允將出逡巡求去允不許曰舍此就彼實非所宜乃命解禕等駕下士如此

執轡愈恭

史記信陵君傳云魏有隱士曰侯嬴年七十家貧為大梁

夷門監者公子聞之乃置酒大會賓客坐定公子從車騎虛左自迎夷門侯生侯生攝敝衣冠直上載公子上坐不讓欲以觀公子

倦不敢息

說苑魏文侯見段干木立倦而不敢息及見翟

璜踞堂而與之言翟璜不悅文侯曰段干木官之則不肯祿之則不受今汝欲官則相至欲祿則上卿既受吾

賞又責吾禮毋乃難乎

特設一榻

後漢徐穉傳時陳蕃為太守以禮請署功曹穉既謁而退

蕃在郡不接賓客惟穉來時設一榻去則縣之

為設几杖

後漢鄭玄傳云靈帝末黨禁解大將

軍何進聞元而辟之州郡以進權威不敢違意遂迫脅元不得已詣之進為設几杖禮待甚優元不受朝服而以幅巾見

起客館

漢書曰公孫弘起徒步數年至宰

一宿逃去

賢人與參謀議

舍上舍

戰國策云靖郭君善齊貌辨齊貌辨

靖郭君靖郭君不聽士尉辭而去孟嘗君又竊以諫靖郭君大怒曰刻而類破吾家苟可懷齊貌辨者吾無辭為之于是舍之上舍令長子御之旦暮進食

魏王郊迎

孔叢子云魏王遣使者聘孔子曰君

久聞下風願委國先生

公孫虛館

魏志管寧遇天下大亂往遼東投公孫度云云

駕

車而往

典畧云范蠡楚宛人被髮佯狂文種為宛令遣吏奉謁曰士有賢聖之資必有佯狂之義駕車

而往

擁彗先驅

史記燕昭王詳後

躡履起迎

前漢雋不疑傳云暴勝之素聞

不疑賢至渤海遣吏請與相見不疑冠進賢冠帶櫛具
劍環玦褒衣博帶盛服至門上謁門下欲使解劍不疑
曰劍者君子武備所以衛身不可解請退吏曰勝之勝
之開閣延請望見不疑容貌尊嚴衣冠甚偉勝之躡履
起迎

擊履而起

魏志卬原傳云太祖北伐三郡單于還往昌國燕士大夫酒酣太祖曰孤反鄴

守諸君必皆來迎今日明旦度將至矣其不來者獨有
卬祭酒耳言訖未久而原先至門下通謁太祖大驚喜
擊履而起遠出迎原曰賢者誠難測度孤謂君將不能
來而遠自屈誠副饑渴之心謁訖而出

屣履

造門

後漢書鄭因傳云孔融深敬因

衣不及席

續漢書皇甫規

文信待賓

史記呂不韋傳云魏有信陵楚有春申趙有平原齊有
孟嘗皆下士喜賓客以相傾呂不韋以秦之強羞不如
亦招致士厚遇之

田伯好士

韓詩

淮南養士

前漢淮南王安

為人好士鼓琴不喜弋獵狗馬馳騁亦欲以行陰
德拊循百姓流名譽招致賓客方術之士數千人
公

子愛客

魏曹植公譙詩公子敬愛客終宴不知疲

寫范蠡之狀

國語范蠡辭于王曰

君王勉之臣不復進于越國矣遂乘輕舟以浮于五湖
莫知其所終極王命工以良金寫范蠡之狀而朝禮之

禮徐穉之墓

吳志顧劭為豫章太守下車祀先賢徐穉子之墓優待其後

修曾

子之舍

說苑云魯人攻鄆曾子辭于鄆君曰請出寇罷而後復來請姑毋使狗豕入吾舍鄆君曰寡人

之于先生也人無不聞今魯人攻我而先生去我我胡
守先生之舍魯人果攻鄆而數之罪十而曾子之所爭

者九魯師罷鄆君復修
曾子之舍而後復迎之

軾段干木之閭

新序云魏文侯過段干木

之閭而軾其僕曰君何為軾曰此非段干
木之閭乎段干木蓋賢者也吾安敢不軾

朝隘巷之

士

戰國策李疵觀中山之君所傾蓋與車者而朝窮閭隘巷之士者七十家

見窮閭之士

韓子云趙文侯

倪寬卑體下士

前漢倪寬為左內史勸農業緩刑罰理獄訟卑體下士務

在于得人心擇用仁厚士推情與下不求名聲吏民大信愛之

定國迎師執經

前漢于定

國為廷尉乃迎師學春秋身執經北面備弟子禮為人謙恭尤重經術士雖卑賤徒步往過定國皆與鈞禮恩敬甚備學士咸稱焉

楚王郊迎至舍

說苑田忌去齊奔楚楚王郊迎至舍

齊王

迎之於門

戰國策先生王斗造門而欲見齊宣王宣王使謁者延入王斗曰斗趨見王為好勢王趨

見斗為好士于王何如使者還報王曰先生徐之寡人請從宣王因趨而迎之于門

接以師友

之道

後漢班彪避地河西河西北大將軍竇融以為從事深敬待之接以師友之道彪乃為融畫策事漢總

河西以拒隗囂及融徵還京師光武問曰所上章奏誰與參之融對曰皆從事班彪所為帝雅聞彪材因召入見舉司隸茂才待以交友之禮吳志虞翻歸孫策命為功曹待以交友之禮周

公下白屋之士

說苑周公攝天子位七年布衣之士執

者四十九人時進善者百人教士者十人官朝者萬人

齊桓下布衣之士

韓子云齊

桓公平原君側行褹席

史記駙衍重于齊適梁梁惠王郊迎執賓主之禮適趙平原君

側行褹席如燕昭王擁篲先驅請列弟子之座而受業築碣石宮身親往師之作主運

燕太子

側階迎光

史記鞠武謂燕太子丹曰燕有田光先生其為人智深而勇沈可與謀太子曰願因太傅

而得交於田先生可乎鞠武曰敬諾出見田先生道太子願圖國事于先生也田光曰敬奉教乃造焉太子逢

迎却行為導
跪而蔽席

九九薄能因為禮之

說苑云齊桓公設庭燎為士之欲造

見者期年而士不至于是東野鄙人有以九九之術見桓公曰九九何足以見乎鄙人對曰臣非以九九為足

以見也夫九九薄能而君猶禮之况賢于九九乎桓公曰善乃因禮之期月四方之士相攜而並至一

分之善莫不如禮

後漢孔融傳融聞人之善若出諸己言有可採必演而成之面告其短而

退稱所長薦達賢士多所獎進知而未言以為已過故海內英俊皆信服之

賓客所歸傾

心折節

後漢袁紹

折節待士坐不重席

典略荀生

聞榮在門

倒屣迎之

魏志王粲徙長安左中郎將蔡邕見而奇之時邕才學顯著貴重朝廷常車騎填巷賓客

盈坐聞粲在門倒屣迎之粲至年既幼弱容狀短小一生盡驚邕曰此王公孫也有異才吾不如也吾家書籍

文章盡當與之

晏聞弼來倒屣迎之

世語云何晏為吏部郎時賓客盈坐聞王弼來

倒屣迎之

愛士好賓盛修肴膳

後漢崔瑗愛士好賓盛修肴膳彈極滋味不問餘產

居常蔬食菜羹而已

勞謙接納坐無空席

晉書王渾為安東將軍鎮壽陽時吳人新

附頗懷畏懼渾拊循羈旅虛懷綏納坐無空席門不停賓於是江東之士莫不悅附

士雖徒步

皆與鈞禮

前漢于定國

士無貴賤與之抗禮

後漢袁紹姿貌威容愛士

養名既累世台司賓客所歸傾心折節莫不爭赴其庭士無貴賤與之抗禮輜輶柴穀填接階陌

入

與共食出與同衣

說苑宋司城子罕之貴子韋也入與共食出與同衣司城子罕亡子韋不

從子罕來復召子韋而貴之左右曰君之善子韋也君亡不從來又復貴之君獨不貴于君之忠臣乎子罕曰

吾惟不能用于韋故至於亡今吾之得復也尚是子韋之遺德餘教也吾故貴之且吾之亡也吾臣之削迹拔樹以從我者奚益于吾亡哉

出則同輿坐則同席

蜀志先主傳曹還許表先主

為左將軍禮之愈重云云

同席而坐同簋而食

魏書劉平結客刺備備不知而待客

甚厚客以狀語之而去是時人民饑饉屯聚鈔暴備外禦寇難內豐財施士之下者必與同席而坐同簋而食

無所揀擇衆多歸焉

同輿而載共帳而寢

吳志太子孫登傳云權欲登讀漢書習知

近代之事以張昭有師法重煩勞之乃令張休從昭受讀還以授登登待接僚屬畧用布衣之禮與休等或同車而載或共帳而寐

愛敬君子不恤小人

蜀志張飛傳云羽善待卒伍而驕於士大

夫飛愛敬君子而不恤小人先主常戒之曰卿刑殺既過差又日鞭笞健兒而令在左右此取禍之道也

貴而能降

降心相從

帖白

增幸異其禮

漢書東方朔對武帝曰臣

言不可用幸異其禮不可用罷之

結襪

漢書王生者善為黃老言常召居廷中公卿盡會立王生老人

曰吾襪解顧謂張釋之跪而結之諸公賢王生而重釋之

延置上坐

後漢書趙壹字元叔舉郡

上計京師司徒袁逢受計吏皆拜伏庭中莫敢仰視元叔獨長揖逢令讓之曰計吏而揖三公何也對曰縣食其長揖漢王今揖三公何遽訝哉

二千石不如縫掖

後漢王符字節信度遼將軍皇甫規解官歸安定鄉人有以貨得雁門太守者亦去職還家書刺謁規規卧不起既入問曰卿前在郡食雁羹乎有頃曰王符在門規素聞符名驚起衣不及帶展履出迎攜手而還命坐極歡時人為之語曰徒見二千石不如一縫掖言書生道義之為貴也

復令就家致聘

唐書

建中時張鑑為相黜陟使裴伯言薦潞州處士田佐時詔除集賢院直學士鑑以為禮輕恐士不勸復令州縣吏以絹百疋粟百石就家致聘佐時卒不至

破械致禮

唐書李懷光辟李鄘于幕府及懷光

反鄘與高郢刺賊虛實白諸朝懷光覺因之河中平馬燧破械致禮表佐其府

獨引同榻

唐書

李擇言以吏治稱張嘉貞為益州都督性簡貴接部刺史倨甚擇言守漢州獨引同榻坐講繹政事名重當時

視若布衣交

李栖筠舉進士調冠氏主簿太守李峴視若布衣交

請為忘年

交唐書陸贄調都尉罷歸壽州刺史張鑑有重名贄往見詒三日奇之請為忘年交

使我急

賢詣子

沈傳師字子言父既濟有良史才拜左拾遺傳師貞元間舉進士時給事許孟容禮部侍郎權

德興樂挽轂士號權許德興稱之于孟容孟容曰我故人于孟不過我傳師往見謝曰聞之丈人脫中第則累

公舉矣故不敢孟容曰如子可使我急賢詰子不可使子因舊見我遂擢第

幕下安得此

人唐書封常清投牒高仙芝竄名漁中及電營遣仙芝躡敵禽馘畧盡常清于幕下潛作投布具記井泉次

舍克賊形勢謀畧條最明審仙芝取讀之皆意所欲出乃大駭及還判官劉眺獨孤峻爭問向投布誰作者公

幕下安得此人答曰吾儁封常清也眺等驚進揖常清坐與語異之遂知名

先進皆與鈞

禮唐書天寶初蕭穎士補祕書正字于時裴耀卿席豫張均宋遙韋述皆先進器其材與鈞禮由是名播天

下九齡改容小友

唐書李泌年九歲時召見張說賀帝得奇童張九齡尤所粹愛常引

至卧内九齡與嚴挺之蕭誠善挺之惡誠佞勸九齡謝絕之九齡忽獨念曰嚴大苦勁然蕭軼美可喜泌在旁

曰公起布衣以直道至宰相而喜軼美者乎九齡驚改容謝之因呼小友

拜以三老之禮

崔鴻北京錄沮渠蒙遜今日祕書郎中燉煌劉彥明學冠當時道光區內可授元虛先生拜以三老之禮

待士以布衣之禮

後秦錄太尉文成公姚顯字子章興之弟也清秀明發為令錄十餘年機

務之暇賓客如雲謙虛傳授待士以布衣之禮或昏夜靜處與賢士談論政事

詣門禮士

宋史

孝宗朝王十朋歷知饒州夔州湖州泉州所至士之賢者詣門以禮致之

識其車音

宋史

司馬光呂公著諸賢退居洛中雅敬卻雍堯夫恒相從遊為市園宅雍出則乘小車士大夫家識其車音爭相

迎候
豈得吏之州縣

宋史湯漢字伯紀知名當時真德秀在潭致漢為賓客江東提刑趙

汝騰薦於朝廷授上饒縣主簿轉運使趙希暨言漢今海內知名士也豈得吏之州縣哉

軍中事

以師禮

宋史靖康中潁陽王忠民數言邊方利害於朝累召不至高宗渡江諸鎮翟興等皆重之弗能

致忠民避地南下過商虢鎮撫使

首禮名士

元史陳祐為河

董先於內鄉留軍中事以師禮

執饋

又曰左丞

董士選延吳澄于家親執

待之若賓友

又曰元元明善字復初弱

冠遊吳中已名能文章浙東使者薦為安豐建康兩學

正辟掾行樞密院時董士選僉院事待之若賓友不敢

以曹屬折行輩與交

又曰元李孟七歲能文僮有御之

古今治亂開門受徒遠近爭從之一

省臣皆呼先生

又曰元周仁榮字本心用薦署美化書院山長後

此

辟江浙行省掾史省臣皆呼先生不以吏遇之

行必致葉李

又曰葉李字太白南宋末以太學生上書攻賈似道竄漳州後歸隱富春山江淮行

省及宣憲爭辟之不應至元十四年世祖命御史相威
行臺江南且求遺逸以李名上世祖大悅即授浙西儒
學提舉李聞命欲遁去而使者致丞相安童書李乃幡
然就詔二十三年侍御史程文海奉命搜賢江南世祖
諭之曰此行必致葉李來

虞集折節古學

又曰虞集為學士時凡山林之士知古學者必

折節下之

宜居師範之選

又曰陳旅字衆仲為閩海儒學官御史中丞馬雍古常使泉南

一見奇之與俱至京師學士虞集見其所為文慨然歎曰此所謂我老將休付子斯文者矣即延至館中與雍

古文口游譽以旅博學

安車召之於家

又曰耶律有尚為國子祭

多文宜居師範之選

酒以親老辭職歸大德末朝廷

如漢聘四皓禮

又曰楊恭

思用老儒以安車召之于家

懿字元甫力學強記尤深於易禮春秋至元七年與許衡并召恭懿不至十一年太子下教中書俾如漢惠聘

四皓者以聘恭懿遣郎中張元智為書致命乃至京師

皆以賓禮延見

又曰熊朋來字

與可豫章人咸淳間進士隱處州里教諭學者凡居南昌者朝廷名公卿皆以賓禮延見

屬僚待

以上客

又曰劉賡至元時累遷御史是時御史中丞崔或好盛氣待人他御史拜謁或平受之獨至賡

則待以上客

密請勿殺孝孺

明紀事本末燕王發北平僧道衍送之郊跪而密啟曰南

有方孝孺者素有學行武成之日必不降附請勿殺之殺之則天下讀書種子絕矣燕王首肯之

任賢

原好士則至

新序晉平公浮西河中流而歎曰嗟乎安得賢士與共此樂者船人固桑進對曰君

言過矣夫劍產於越珠產江漢王產崑山此三寶者皆無足而至今君苟好士則賢士至矣

用才

棄邪

左傳鄭駟歆殺鄧析而用其竹刑君子謂子然于是乎是不忠苟有加於國家者棄其邪可也

授

方任能

春秋傳曰衛文公大布之衣大帛之冠務材訓農通商惠工敬教勸學授方任能

拔

賢舉善

汝南先賢傳云薛勤聰哲仕郡為功曹云

舉賢用之

韓非子云郭人有遺燕相

國書者

夜書火不明因謂持燭者曰舉燭云而過書舉燭舉燭非書意也燕相受書而說之曰舉燭者尚明也

尚明也者舉賢而任之燕相白王大悅國以治則治矣非書意也

選吏委任

王隱晉書云王

戎代王渾為司徒高選長吏委任責成

招聘隱逸

後漢岑彭為魏郡守招聘隱逸與參政事

無為而化視事二年與人歌之

甄拔隱屈

王隱晉書山濤為冀州刺史

檄為文

學

魏志管輅傳清河太守華表召輅為文學掾安平趙孔曜薦輅于冀州刺史裴徽曰輅雅性寬大與世無

忌仰觀天文則同妙甘公石申俯覽周易則齊思季主
今明使君方垂神幽藪留精九臯輅宜蒙陰和之應得
及羽儀之時微於
是辟為文學從事
名署戶曹
鍾離意為瑕丘令民桓
扶溫良恭儉為鄉里推

重

辟郇恁

東觀漢記郇恁字君大

舉劉毅

晉書劉毅傳平陽太守杜恕請毅為

功曹

任以郡職

後漢劉平舉孝廉拜濟陰郡丞太守劉育甚重之任以郡職上書薦平

陰代其政

後漢韓稜初為郇功曹太守葛興中風病不能聽政稜陰代興視事出入二年令無違者

興子嘗發敎欲署吏稜拒執不從因令怨者章之事下稜驗吏以稜掩蔽興病專典郡職遂至禁錮顯宗知其

忠後詔特原之

風聲大行

後漢陳寵為廣漢太守用良吏王渙鐔顯云云

州境獲

寧

王隱晉書云王仲秤琅邪人為別駕

不遺治世才

抱朴子曰善用木者不以膚寸之盤

節而損于雲之梓善用人者不以名行之不著而遺治世之才

所至聘賢士

漢書韓延壽為

穎川守尚禮義好古教化所至必聘其賢士納諫爭姦人莫敢入界

拔孟嘉為勸學

孟嘉

傳云

辟李因為中郎

後漢梁商自以戚屬居大位每存謙柔虛已進賢辟漢陽巨覽

庾亮

上黨陳龜為掾屬李固周舉為從事中郎于是京師翕然稱為良輔帝委重焉

董昆清約守

貧署上計吏

會稽先賢讚

顧和體履平貴請為別駕

王丞相集

以顧和為別駕宜得其才

龐統州里所信名為功曹

荊州先德傳云周瑜為南

郡太守以龐統有重名名為功曹

任旭立操清修請為功曹

晉書任旭傳云

旭兒童時勤於學及長立操清修不染流俗鄉曲推而愛之即將蔣秀嘉其名請為功曹秀居官貧穢每不奉

法旭正色苦諫秀既不納旭謝去閉門講習養志而已

陸續為功曹郡內大治

陸續傳云太守王朗命為功曹續承陸機士衡雅治千里風化郡內大治

王基為別駕流

稱青土

魏志王基少孤與叔父翁居翁撫養甚篤基亦以孝稱黃初中察孝廉除郎中是時青土初定

刺史王凌特表請基為別駕

署鍾離意為功曹威儀嚴肅

鍾離意傳實翔

召意署為功曹用岑旺為功曹褒善黜惡

後漢岑旺傳旺有高才郭林宗朱公

叔等皆為友李膺王暢稱其有幹國器雖在閭里慨然有董正天下之志太守弘農成瑨下車欲振威嚴聞旺

高名請為功曹以趙勤為功曹委以郡事

東觀漢記趙勤南陽太守桓虞用為

功曹委以郡事也

引華譚為從事以為賓友

晉書華譚好學不倦爽慧有口

辯為隣里所重揚州刺史周浚引為從事史愛其才器待以賓友之禮

南陽宗資主畫

諾 弘農成瑨但坐嘯

後漢書黨錮傳云汝南太守宗資任功曹范滂南陽太守成瑨

亦委功曹岑旺二郡為之謠曰汝南太守范孟博南陽宗資主畫諾南陽太守岑公孝弘農成瑨但坐嘯

其所辟命皆海內長者

後漢王龔拜太尉在位恭慎自非公事不通州郡書記其所辟

命皆海內長者

拔用武官無非俊傑

世語云夏侯玄世名知人為中護軍拔用武官

參戰衙門無非俊傑

政事所施意為節度

鍾離意傳

文武之事一

以委之

吳志張昭傳云孫策創業命昭為長史撫軍中郎將升堂拜母如比肩之舊文武之事一以委

昭

寡人之有仲父猶飛鴻之有羽翼

管子

孤之有孔

明猶魚之有水

蜀志

用沈寔補儒林祭酒

北堂書鈔

增自

擇局僚

宋史司馬光編次通鑑英宗命自擇館閣英才共修之光對曰館閣文學之士誠多至於專精

史學臣得而知者惟劉恕耳即召為局僚

從歷四鎮

唐書元和中李石擢進士第辟李愿幕府

從歷四鎮有才畧為吏精明愿每征伐必留石主後務太和中為行軍司馬愿以兵北渡河令石入秦占對華

敏文宗異之

表名士

宋史范成大制置四川知名士孫松壽年六十餘樊漢廣五十九皆掛冠

不仕表其節詔召之皆不起蜀士由是歸心

辟郡人

元史曰至正十七年江浙行省左丞相達

實持穆爾陞舒穆魯宜孫行樞密院判官總制處州又以江浙儒學提舉劉基為其院經歷而宜孫又辟郡人胡琛葉琛章溢參謀其軍事處為郡山谷聯絡盜賊憑據險阻不易平治宜孫用基等謀或擣以兵或誘以計皆

殲殄無遺類是時天下已多故浙東則
宜孫在處州穆爾古蘇在紹興為稱首

遲魯不及事

唐書穆宗時沈傳師為江西觀察使徙宣州嘗擇郎吏
尹倫遲魯不及事官屬屢白易之傳師曰始吾出長安
誠倫曰可闕事不可多事如
是足矣故所莅以廉靜稱

日醉廢曹事

漢書陳遵
入公府日

出醉歸曹事數廢西曹白請斥之大司徒馬宮重遵謂
西曹曰此人大度士奈何以小文責之乃舉遵能治三

輔劇

求士為已重

唐書楊國忠執政求天下士為已
重間張錫才薦之釋褐衣拜左拾

縣

遺使恩歸於上

宋史李昉在中書日有求進用者雖
知其才必正色拒絕之已而擢用子

弟問其故曰用賢人主之事若受其請
是市私恩也故峻絕之使恩歸於上

荊州老從事

事文類聚習鑿齒有材桓宣武器之用為荆
州治中謝朓曰不遇明公荊州老從事耳

幕府最

少年

韓魏公琦知揚州王安石為僉判每讀書達旦畧假寐日已高上府多不及盥漱魏公疑其夜飲放

逸一日從容謂之曰君年少無廢書安石不對退而言曰韓公非知我者故熙寧日錄中短魏公為多及魏公

薨安石挽詩有曰幕府少年今白髮傷心無路哭靈輒猶記魏公年少之語也又入瓜步望揚州詩云白頭追

想當年事幕府青衫最少年

據案鉤視簿最

唐書呂誼開元末第進士調寧陵尉哥舒

翰節度河西表度支判官性靜慎勤總吏職諸僚或出遊誼獨顏然據案鉤視簿最翰益親之

坐曹

躬決案牘

元史曰張昉性縝密遇事敢言嚴實行臺東平辟為掾有執左道謀不軌者逮捕誣誤甚

眾諸僚佐莫敢言昉獨別白出數百人實才之進幕職時兵後曹吏雜進不習文法東平轄郡邑五十四民衆

事繁簿書填委漫無統紀昉坐曹躬閱案牘左酬右答咸得其當事無留滯

求吏不責文

學

唐書薛珏名為司農卿是時詔舉堪刺史縣令者且百人延問人間疾苦得失取尤通達者什二宰相欲

校以文詞珏曰求良吏不可責文學宜以上愛人之本為心也宰相多其計所用皆稱職

檢覈一

委士人

劉晏分置諸道租庸使慎簡臺閣士專之嘗言士有爵祿則名重于利吏無榮進則利重于名

故檢覈出納一委士人吏惟奉行文書而已

幕府皆留不徙

唐書郝士美字和夫未冠

為陽翟丞佐李抱真潞州幕府以才歷王度休李元皆留不徙

職事往來效忠

宋史崔與

之帥淮東辟洪咨夔置幕府邊事纖悉為盡力後與之帥蜀請以咨夔通判成都府與之為制置使首檄咨夔

自近辭曰今乃開誠心布公道合西南人物以濟國事而先及門生故吏是示人私也卒不受惟以通判職事

往來效忠

決遣郡事而行

呂午調當塗丞陳貴誼守太平屬午安集淮南流民江東提舉

徐僑辟為幕屬午欲盡決遣郡事而行帖趣行至十八而不以白貴誼至僑貽書貴誼午始行

府中

事悉以咨

范如圭登進士第授武安軍節度推官始至帥將斬人如圭白其誤帥為已署不易也如

圭正色曰節下奈何重易一字而輕數人之命帥矍然從之自是府中事無大小悉以咨焉

幕下

甚見親信

明紀事本末太祖起兵時定遠人李善長來謁留幕下掌書記畫餽餉甚見親信

開府極一時選

唐書武元衡代高崇文為劍南西川節度使性莊重雖淡于接物而開府極一

時幕府一時高選

李栖筠觀察浙西幕府皆一時高選判官許鳴謙名知人見崔造及

裴胄器之白栖筠取胄為支使

僚佐極當時選

沈傳師為觀察使初拜官宰相欲以姻私

托幕府者傳師拒曰誠爾願罷所授故其僚佐如李景讓蕭寘杜牧極當時選云

表高適為

兵曹

高適解褐封丘尉非其好也乃去官客遊河右河西節度使哥舒翰見而異之表為左駙騎兵曹為

翰掌書記杜甫贈以詩曰十年出幕府自可持旌麾

士安屢典記室

宋史宰相畢士安舉

進士時郊帥楊延璋辟幕府掌書記雍熙三年諸王出閣慎擇僚屬士安遷冀王府記室參軍

廣漢

任新進年少

漢書趙廣漢為京兆尹好用世吏子孫新進年少者專屬強壯蠶氣見事風生無所

回避率多果敢之計莫為持難

劉晏署新進銳敏

唐書劉晏所用士數百人皆新進銳

敏盡當時之選趣督倚辦故能成功雖權貴干請欲假職任者晏但以課食奉之未嘗使親事是以人人勸職

大者為棟樑小者為榱桷

宋史宋太宗嘗謂樞密使張宏曰朕自御極以來親

擇羣材大者為棟樑小者為榱桷

至治未嘗任不肖至亂未嘗任賢

唐書令狐綯入翰林為學士他夜宣宗召與論事出金鏡書曰太宗所著也卿為我舉其要綯摘語曰至治未嘗任不肖至亂未嘗任賢任賢享天下之福任不肖罹天下之禍帝曰善朕讀此三復乃已綯再拜曰陛下必欲興王業舍此孰先

為官擇人為入求治

建中時齊映劉滋為政蕲叔倫言天下州

縣有上中下繫望雄輔者有司銓擬皆便所私此非為官擇人為入求治之術其尤切者縣令錄事參軍事此二者宜出中書門下無計資序限遠近高卑一以殿最升降則人知勸映等重其言

賢則當任

任則當久

憲宗謂李絳曰何以知其賢而任之對曰知人誠難堯舜以為病然循其名驗以事所得

十七夫任官而辨庶措事不阿容無希望依違之詞無邪媚愉悅之容此近於賢矣賢則當任任則當久

得賢

原嘉魚

詩序嘉魚樂與賢也

千旄

又云千旄美好善也

國寶

賢國之寶也

善寶

禮以善為寶

五百

五百年一賢人出

二八

舜舉八元八凱

致堯

舜

致君于堯舜

得君平

李彊拜益州牧謂揚雄曰吾真得嚴君平矣雄曰此人可見而不可

屈也 論士告王

禮記論進士之賢者以告于王論定然後官之任官然後爵之位定然後祿之

以賢制爵

周禮則人慎德

燕昭築宮

燕昭王為郭隗築碣石宮詳禮賢

王褒作頌

王褒作聖主得賢臣頌

齊照千里

齊威王曰四臣將照千里

鄭

有三良

管仲曰鄭有三良為政未可問也

增遺珠

唐書狄仁傑初調汴州參軍為吏誣

訴黜陟使問立本名訊異其才謝曰仲尼稱觀過知仁君可謂滄海遺珠矣薦授并州法曹參軍

拱

辟宋史靖康初高宗以康王開大元帥府時羣盜四起餉道阨絕向子諲轉運京畿環視左右無足使者有

以李植薦遂借補廸功郎使督四百艘總押犒師銀百萬兩糧百萬石招募忠義二萬餘衆自淮入徐趨濟凡

十餘戰卒以計達高宗駐師鉅野開東南一布衣統衆而至士氣百倍首加勞問植占對詳敏高宗大悅親賜

之食曰得一士如獲拱壁豈特軍餉而已承制授承直郎**材館錄**孝宗朝虞允文

三等有所見聞即記之號材館錄凡所舉士如胡銓周必大王十朋趙汝愚晁公武李燾其尤章明者也

夾袋中乾道中施師點除知樞密院事師點惓惓搜訪人才手書置夾袋中太宗每有除授必列陳之

親擇吏唐書貞元時柳渾為相帝嘗親擇吏宰畿邑而政有狀名宰相語皆賀帝得人渾獨不賀

曰此特京兆尹職耳陛下當擇臣等以輔聖德臣當選京兆尹承大化尹當求令長親細事代尹擇令非陛下

所宜帝然之

喜得人

宋史蔡齊舉進士第一儀狀俊偉舉止端重真宗見之顧宰相寇準曰得

人矣置章再拜

張逸知襄州鄧城縣有能名知州謝泌將薦逸先設几案置章其上望闕再拜

曰老臣為朝廷得一良吏乃奏之真宗雅賢泌他日引對再召問者用泌薦也

備疏于朝

紹興

末王剛中以龍圖閣待制制置四川差擇將士衆所推者上之朝備統帥選又疏蜀名勝士與幕府之賢備部使者州刺史之佐引天下士唐書張說為相多引天下知名士以佐佑王化粉澤典章成一

王法天子尊尚經術開館置學士修太宗之政皆說倡之

屈公數旬

韋思謙貶沛王府長史皇

甫公義引為倉曹參軍謂曰公非池中物屈公為數旬客以重吾府

徒勞州縣

韋安石為乾封

尉雍州長史蘇良嗣器之永昌元年遷雍州司兵參軍良嗣當國謂安石曰大才當大用徒勞州縣可乎薦於

武后授繕部員外郎

以恩終始

張嘉貞為相汲引人能以恩終始所薦中書舍人苗延嗣呂太

一考功員外郎員嘉靜殿中侍御史崔訓皆位清要日與議政事故當時語曰令君四俊苗呂崔員

得

一張齊賢

宋太祖幸西都張齊賢以布衣獻策馬前以手畫地條陳十事內四說稱旨齊賢堅執以

為皆善上怒命拽出之及還語太宗曰我幸西都唯得一張齊賢我不欲爵之以官異時可使輔汝為相也

喜擢陳同甫

宋史光宗策士得陳亮策大喜以為善處人父子之間奏名第三既知為亮則

又喜曰朕擢果不謬孝宗在南內寧宗在東宮聞知皆喜故賜第告詞曰爾早以藝文首賢能之書旋以論奏動慈宸之聽親閱大對嘉其淵源擢置舉首殆天留以遺朕也先是亮數上書言事故云

時號得

才唐書韋陟除吏部郎中中書令張九齡引為舍人與孫逖梁陟並司書命時號得才

翕然稱

得人

李吉甫始執政以情謂中書舍人裴珀曰吾落魄更十年始相天子比日人物吾惜不及知且宰相

職當進賢任能君精鑒為我言之珀即筆疏三十許人吉甫藉以薦于朝天下翕然稱得人

原賢

者能者

周禮

繫之維之

詩

禹稱善人

衛多君子

賢為國寶

人代天工

德成而上

祿在其中

終

因德進

始以名稱

汝得人焉

吾與點也

白帖

知人一

原其難

不易

書知人則哲惟帝其難之人固不易知知人亦不易也

王佐才

方伯器

袁山松漢書曰王允字子師世仕州郡為冠蓋郭林宗見而奇之曰王生一日千里王佐

才也遂與之友後王允至司徒魏張既字德容兒童時馮翊功曹殷游設賓饌請之妻笑曰童昏小兒殷曰方伯之器以子楚託之後既薦楚吳興太守

南州冠冕

洛陽孝廉

龐統少樸

鈍司馬德操有知人之鑒統往見操操採桑樹上統坐樹下自晝達夜稱之為南州冠冕種嵩為縣門下吏河南尹田歆外甥王譙知人歆曰今當舉六孝廉多得貴戚書以五應之欲自用一人清善者以報國爾助我求之譙送客至洛陽郭遙見嵩曰得孝廉矣歆曰當山澤隱滯此近洛陽門下吏耶譙曰山澤不必有異士異士不必出山澤歆召嵩于庭辨詰職事辭對有據遂舉孝廉嵩官至司徒

深奇嗇夫

結

交小吏

鄭弘字巨君為鄉嗇夫太守第五倫行春見而深奇之署督郵後漢吳祐字季英舉孝廉將

行郡中為祖道祐越坐共小吏雍丘黃真歡語移時與交結而別功曹以為倨請黜之太守曰吳季英有知人

之明卿且勿言
真後亦舉孝廉

分財不及

拔士咸稱

石苞臨終分財與諸子不

及崇崇母為言苞曰此兒雖小後自能得

後漢郭泰

字林宗許劭字子將咸有知人之鑒故天下言拔士者咸稱具許

郭之鑒

褚裒指孟嘉鮑叔知管仲

晉孟嘉幼知名庾亮

大會府州吏士嘉坐甚遠褚裒問亮聞江州孟嘉其人何在亮曰在坐卿似自覓裒歷觀指嘉曰此君小異得無是亮大笑得嘉史齊桓霸者管仲之謀天下不多管仲之賢而多鮑叔能知人也

始以智

知終因德進

增日角珠庭

凌霄聳壑

唐書李珣南冠舉明

經李絳為華州刺史見之曰日角珠庭非庸人相明經碑礫非子所宜乃更舉進士高第宋史錢若水有人

倫鑒見王旦每曰王君凌霄聳壑棟梁之材貴不可涯非吾所及

鵞肩火色

顰頭

鼠目

唐書岑文本嘗對所親言馬周曰馬君論事會文切理聽之令人忘倦然鳶肩火色上騰必速恐不

能久

初苗晉卿數薦元載於李揆揆素輕載謂晉卿

曰龍章鳳姿士不見用顰頭鼠目子乃求官耶載聞銜之

知人二

原當至卿相

石苞字仲容為縣吏會謁者郭元信奉使求人為卿以苞及節艾給之行十餘里元

信謂二人曰子後並當至卿相苞曰御隸也何卿相乎

後果輕薄

漢中晉文經梁國黃子艾

並恃才智炫耀上京三公每見辟召輒詢訪之隨其臧否以為子奪符融謂李膺曰二子行業無間恐小道破

大義公宜察焉膺然之後果輕薄並以罪廢棄也

令見妻子

琅邪太守趙貢行縣見不其丞

薛宣還府令妻子與相見戒曰
君至丞相我兩子亦中丞相史

恐惑兄弟

魏曹爽秉政用何晏

為吏部尚書傅嘏謂與弟義曰
何平叔外靜內鈎恐惑我兄弟

知人則哲

詳上

知人

者智

老子

患已不知

論語不患人之不知患不知人也

舉爾所知

仲弓

曰焉知賢才而舉之子曰舉
爾所知爾所不知人其舍諸

自牖占胡廣

後漢胡廣為南郡散

吏太守法雄子真知人歲終雄敕真助求才雄會諸吏
真自牖間占之乃指廣白雄遂舉孝廉到京師試以章

奏為天下第一

解驂贖石父

越石父賢在縲絏中晏子遇之解左驂贖之載與歸不謝入久

之石父請絕晏子懼搗衣冠以謝之石父
曰君子屈于不知已而伸于知己者也

子桑能舉

善

傳子桑之忠也其知人也能舉善也

陸遜勸別族

吳楊竺少獲聲名陸遜謂竺終敗勸

三兄穆別族

拔友為二郡守

第五倫字伯英為宕渠令顯拔鄉友袁賀賀後為二郡守

以清潔稱

舉吏至二千石

第五倫所舉吏多至二千石世以為知人

子桑之

舉孟明

子桑公孫枝

叔向之知駿茂

左傳晉叔向適鄭駿茂立堂下一言而善

叔向執其手曰子若不

言幾失子矣拔于禁樂進於行陣

取張遼徐

晃於亡虜

並魏太祖

增公輔才

唐書王珪隱居時與房玄齡杜如晦善母李嘗曰而

必貴然未知所與遊者何如人而試與偕來會玄齡等過其家李聞大驚敕具酒食歡盡日喜曰二客公輔才汝貴不疑清廟器崔渙博綜經術為亳州司功參軍還調于時入判者千餘吏部侍郎嚴挺之施

特捐試彛尊銘謂曰子清廟器故以題相命

訪僚吏

盧齊卿長安初為雍州參軍武后詔長史

薛季祖擇僚吏堪御史者季祖訪於齊卿齊卿曰長安尉盧懷慎李休光萬年尉李乂崔湜咸陽丞仇若水盤

屋尉田崇辟新豐尉崔日用

識囚伍

于志寧歸高祖參謀議薛仁果

季祖用其言皆通顯鉅人

平識褚亮于囚

今却詵崔沔補陸渾主簿入調吏部伍中引與同列

皆銓衡

裴行儉在吏部見蘇味道王勣謂曰二君後皆銓衡

名位似吾

宋史富言

者呂蒙正客也一日白曰兒子十許歲欲令入書院事廷評太祝蒙正許之及見驚曰此兒他日名位與吾相似而勲業遠過吾今與諸子同

資送計偕

陳恕少為縣吏折節

讀書禮部侍郎王明知洪州恕以儒服見明與語大奇之因資送令與計偕

一日千里

唐書

蘓頌除率府曹參軍吏部侍郎馬載曰古稱一日千里蘓君是也

街玉賈石

貞元時李希烈

據淮蔡開播用李元平守汝州兵部侍郎柳渾曰是夫
街王而賈石者也往必見擒何賊之攘既而果為賊縛

有公輔器

宋史章得象為知州日楊億以為有公輔
器薦之或問之億曰閩士輕狹而章公深

重有容此
其貴也

宰輔之器

元史李孟字道復生而敏悟郭
彥通名能知人嘗語人曰此兒

骨相異常宰
輔之器也

待之加禮

唐書韓滉初判度支李晟以
裨將白事滉待之加禮使其

子拜之厚遺
器幣鞍馬

長其知人

宇文融執執政薦宋璟為右丞
相裴耀卿為戶部侍郎許景

先為工部侍郎
當時長其知人

知人最深

宋史陳薦字彥升從韓琦
定州河東幕府性木彊簡

澹獨琦知之最深每語人曰廉于進勇于退嫌疑問毫
髮不處與人交久而不變如彥升者無幾也琦輔政薦

為祕閣
校理

不媿知人

陳恕知貢舉自以洪人避嫌凡江
南貢士悉被黜退而所取以王曾

為首時議稱之每自歎曰曾
命世才也不媿於知人矣

誠知人矣

唐書武后嘗問狄仁傑曰

師德賢乎對曰為將謹守賢則不知也又問知人乎對曰臣嘗同僚未聞其知人也后曰朕用卿師德薦也誠

知人矣仁傑慙已而歎曰婁公盛德

知人不明

宋史神宗

我為所容乃不知吾不逮也遠矣
嘗問王安國曰卿兄秉政外論謂何曰恨知人不明聚斂太急耳

五百歲一賢

唐書負半

千舉童子已能講易老子長與何彥先同事王義方以
邁秀見賞義方嘗曰五百歲一賢者生子宜當之因改

今名 十年至節度

盧齊卿拜幽州刺史張守珪隸果毅齊卿厚遇之曰君十年至節度使已

而果
然

不求備

原畫眉不責

漢張敞為京兆尹為人輕媚為婦畫眉帝愛其才而不備責

病聾何

傷

黃霸為潁川許丞病聾督郵欲逐之霸曰丞廉吏年雖老尚能拜起重聽何傷且善助之無失賢者意

與人不求備

書

使人也器之

論語子曰君子易事而難悅及其使人也

器之

戴其角者無上齒有其翼者兩其足

董仲舒云

有行

之士未必能進趣進趣之士未必有行

魏祖令曰

增幕僚

不拘小節

宋史范成大帥蜀凡人才可用者悉置幕下用所長不拘小節其傑然者露章薦之往往

顯于朝位至二府

署吏不易所職

唐書王播為西川淮南等節度使所署吏苟無大罪

以歲勞增秩而已卒不易所職

寬假官吏

宋史劉湜為殿中侍御史上言轉運使倚撫郡縣苛

東官吏人不得騁其材宜稍寬假不為改者繩治之

錄過薦才

胡宿在審官刑院擇詳議官有

在選中而嘗以監征榷水災負課同列謂小累不足白宿竟白之而薦其才足用仁宗聽納同列退而請曰公固欲白上儻緣是不用奈何宿曰彼之得否不過詳議官宿平生以誠事主今白首矣忍以毫髮欺乎為之開陳聽吾君自擇耳

不喜擔拾小過

韓億參知政事每見天下諸路有奏擔拾小過者輒

顏色不懌曰天下太平聖主之心雖昆蟲草木皆欲使之得所今仕者大則望為公卿次亦望為侍從職司二千石其下亦望京朝幕職奈何錮之于世

過官不復撓退

唐書柳渾為相門下吏白

過官渾愀然曰既委有司而復撓之豈賢者用心耶士或千里辭家以干祿小邑主辦豈慮不能是歲擬官無退異者

推美下吏

原某吏所為

張湯為廷尉奏事即譴湯推謝注上有所譴即推折而謝之也嚮上意所便必引正

監掾吏賢者曰固為臣議如此上責臣臣不用愚抵死注言不用諸掾語故至此罪常原即奏事上善之即曰

臣非知此秦乃監掾吏某所為其欲薦吏揚人之善解人之過如此

某掾所為

趙廣漢為二千

石推功美于下曰某掾所為非二千石所及發于至誠吏皆輸寫心腹

得王生教

龔遂見上

問何以為理遂辭讓推美於上上曰君安得長者之言而道之曰臣議曹王生教臣耳

奪令長

名

薛宣字貢君為馮翊得罪人告其縣長吏使自行罰曰不欲代縣治奪賢令長名也

任王渙

鐔顯

陳寵為太守威聲大行入守司農和帝問何以治對曰臣任功曹王渙以簡賢選能主簿鐔顯拾遺

補闕臣奉宣
詔旨而已

委陳蕃應嗣

王崇字敬伯為汝南守下
教曰古人勞于求賢逸于

任使其憲章朝右簡核主職委任功曹
陳蕃匡政治務拾遺補闕任主簿應嗣

不視文書

吳

蓋字公覆為石城長署兩掾主曹教曰若相欺終不加
鞭初皆畏怖後以蓋不視文書漸容人事蓋案其姦情
殺之縣
中震怖
唯主盜賊
孫堅字文臺為長沙長教吏曰善
治官曹文書以盜賊付太守也

此丞掾任

馬援為隴西守任下吏諸曹時白外事輒
曰此丞掾任何足相煩若大侵小黠羗旅

拒此乃太
守事耳

擇丞吏任

汲黯字長孺為東海守學黃老
好清靜擇丞吏任之責大指不

苛細卧閤
而理也

委別駕王祥

呂虔字子恪為徐州
刺史委別駕王祥

任功

曹岑暉

詳任
賢

增言其能

唐書元和初王正雅擢進士
第時京邑多盜賊正雅以萬

年令威震強豪尹柳公綽言其能就賜緋魚

何自晦

裴琰之永徽中為同州司戶參軍年甚少

不主曹務刺史李崇義內輕之錫諭曰同三輔吏事繁子盍求便官毋留此琰之唯唯吏白積案數百崇義讓使趣斷琰之曰何至逼人乃命吏連紙進筆為省決一日畢既予奪當理而筆詞勁妙崇義驚曰子何自晦成吾過耶由是名動一時號霹靂手此公坐蘇珣中明經調鄆尉時李

日至長史府珣裁決明辨自是無訴者義琰異之顧聽事曰此公坐也恨吾齒晚不及見耳

事必

咨元義方為華州參軍歷京兆府司錄事韋夏卿李實繼為京兆尹事必咨之蘭菊異芬

裴子餘中明經第補鄆尉時同舍李朝隱程行謏以文法稱而子餘以儒術顯或問優劣於長史陳崇業答曰

蘭菊異芬

子孫相委

婁師德調江都尉揚州刺史盧承業異之曰此台輔器也當以

胡有廢者

子孫相委詎
論僚吏哉

歎為不及

宋史陳俊卿為泉州觀察推官服勤職業同僚宴集恒謝

不往一日郡中失火守汪藻走視之諸掾屬方飲某所
俊卿輿卒亦假之行于是皆以後至被詰俊卿唯唯推
謝已而得其實問故俊卿曰某不能止同僚之行又資
其僕安得為無過時公方盛怒其忍幸自解重人之罪
乎藻歎服以稱其善政

又曰王旦以大理評事知平江縣趙昌言為轉運使以威

望自任屬吏屏畏
入旦境稱其善政

倚任掾屬

唐書韋陟出為河南採訪使以判官員錫善訊

覆支使韋元甫工書奏時
號員推韋狀陟皆倚任之

委任僚佐

宋史錢若水所至推誠待物委

任僚佐總其綱
領無不稱治

請以官讓

唐書張嘉貞以五經舉補平鄉尉坐事免長安中御

史張循憲使河東事有未決病之問吏曰若輩頗知有
客乎吏以嘉貞對循憲召見咨以事嘉貞條析理分莫

不洗然循憲大驚試命草奏皆意所未及他日武后以
為能循憲對皆嘉貞所為因請以官讓后曰朕寧無一
官自進賢耶因召見拜監察御史擢循憲司勳郎中酬其得人
宜居臣上宋史紹興

判潭州王佐為帥負其能盛氣以臨僚吏穎約以中道
多屈而改為及陳峒反所擒賊多穎計策帥上其功曰
僉判宜見古循吏紹興中熊克知諸暨縣部使者蒞

居臣上煇行縣至其境謂克曰曩知子文
墨而已乃今見古有協贊功孝宗時章穎調道州教

循吏為表薦之授會宜章寇為亂即僚
相繼引去穎獨留寇平郡守以功以掾屬為賓友史元

入為郎奏穎有協贊之功可大用董士選文炳子也時言世家有禮法必歸董氏禮敬
賢士尤至行省江西左丞以屬掾元明善為賓友

有善歸之所部唐書薛戎為浙東觀察使不尚約束詭
名譽其有善歸之所部故居官時無灼

灼可驚者已
罷則懷之

家客馬周為之

馬周舍中郎將常何家
貞觀五年詔百官言得

失何武人不涉學問為條二十餘事太宗怪問何何曰
此非臣所能家客馬周教臣言之客忠孝人也帝即召
之使者四輩敦趣及謁見大悅詔
直門下省以何得人賜帛三百匹
主簿錢勰為之
史
錢勰以蔭授流內銓主簿判銓陳襄常登進班簿神
宗稱之襄曰此非臣所能主簿錢勰為之明日召對

棄賢

原無終

詩序權輿秦康公與賢人
有始無終也權輿始也

不遇

又曰柏舟言
仁而不遇也

退而窮處

又曰考槃刺莊公
使賢者退而窮處

仕於伶官

又曰簡兮
刺不用賢

也衛之賢者
仕於伶官

不得仕進

又曰伐檀君子不
得仕進退而伐檀

不見維

繫 詩白駒在谷
不見維繫

媚嫉 人之有技媚
嫉以惡之

沈滯 白帖晉陳
壽字承祚

遭父喪有疾使婢丸藥客見之卿黨以為敗義及蜀平生是沈滯累年張華愛其才以壽雖不遠嫌原情不至

貶廢舉 **不能舉** 見賢而不能舉舉而不能
為孝庶 **不得調** 融

字季長為校書郎于東觀十年 **親累不調** 晉華廩字
不得調因兄子喪自劾歸也

有才妻父盧毓典選難舉姻 **功高不調** 張安世字少
親故廩年三十五不得調

不調自言於安世安世曰君功高明主所知人臣執事
何短長而自言乎絕不許已而郎遷言安世不伐功也

增素忌

唐書崔盾與王搏並位素忌搏明 **奇詆** 文

昌在憲宗朝數欲親用頗為 **外徙** 蘇瓌歷朗歙二州
韋貫之奇詆偃蹇不得進

外徙 刺史時來俊臣敗

州參軍人懼其復用多致書請環瑛叱其使曰吾忝州牧高下自有體能過待小人乎俊臣未至追還恨之由是連外徙

卧家

宋史孝宗愛楊萬里之才以問周必大必大無善語由此不見用韓侂胄

用事欲網羅四方知名士相羽翼嘗築南園屬萬里作記許以掖垣萬里曰官可棄記不可得也侂胄怒改命他人卧家十五年

不用

真德秀立朝奏疏無慮數十萬言皆切當世要務直聲震

天下四方人士誦其文想見其風采時相益忌之輒擯不用

不遷

唐書杜黃裳為待御史為裴延

齡所惡十年不遷

擯廢

韋陟少有名而為李林甫楊國忠擯廢及肅宗起為御史大夫終不能得

相也

流落

李暎罷相元載素銜之及秉政奏暎試祕書監江淮養疾家百口貧無祿丐食取給牧守

稍厭恩則去之

抑地望

韓洄宰相休子補弘文生滿歲參調吏部侍郎達奚珣以

地望抑之除章懷
太子陵令無愠色

更幕府

宣宗時白敏中令狐絢當
國皆怨李德裕其賓客並

廢黜鄭畋不調幾十年更帥鎮
府絢去位始為虞部員外郎

流於俗

諸鎮節度使
武臣多粗暴

待賓客不以禮失意則以罪中傷之德宗時裴胄
拜荆南節度使亦劾斥其管記世恨胄之流於俗

非

上意

宋史理宗朝史彌遠既死召魏了翁權禮部尚書
還朝六閱月前後二十餘奏上將引以共政而忌

者相與合謀乃以樞密院督視京湖兵馬開幕府江州
了翁既出則復以建督為非故遽召還前後皆非上意

原道惟難進

人豈易知

進以趨時不聞刈楚

退而窮處空歎伐檀

任賢委政既乖勿貳之言

書曰
任賢

失寵退身終及如遺之棄

詩云棄
予如遺

邁軸之歎

蔽賢

原黜爵

大戴禮古者諸侯不官士一則黜爵再則削地三則黜爵削地俱盡

竊位

子曰

仲其竊位者與知柳下惠之賢而不與立也言不舉之在位

簡賢

書簡賢附勢注簡棄也

棄德

不讓

有罪

管子蔽才有罪

有罰

蔽賢有罰

史魚自貶

衛史魚知

蘧伯玉之才而不能進死不殯於正堂以自貶

文仲不仁

臧文仲下展禽仲尼曰不仁

增嫌白衣

宋史陳師道早以文謁曾鞏一見奇之許其以文著留受業鞏後典五朝史事得白擇其

屬欲舉師道而朝中以白衣難之

棄奇寶

蘇軾常曰棄奇寶于路隅昔人所歎我曹得無意哉

皆下之

唐書天寶六載詔天下有一藝詣轍下李林甫命尚書省試皆下之遂賀野無遺賢時杜

甫元結皆應詔而退

不敢取

太和二年舉直言極諫劉蕡對策切直時第策官馮宿賈餗嗟伏以

為過古晁董而畏中官毗睚不敢取

東高閣

事文類聚殷浩才名冠世庾翼弗之重也每語人曰

此輩宜束之高閣俟天下太平然後議其仕耳

不見省

李商隱為彭陽公令狐楚從事彭陽之子

絢繼有韋平之拜惡商隱從鄭亞之辟以為忘家恩疎之屢啟陳情絢不之省商隱留詩廳事有云即君官貴施行馬東閣無因得再窺

原賢路既妨

偉門惟啟

舉善且聞

懋賞

蔽賢豈得無辜

誠宜見善必求

何乃知賢

不舉

惠澤

原德施普

易曰見龍在田德施普也雲行雨施天下平也

養民惠

子產其養民也惠其

使民也義

施惠散利

周禮旅師職云以質劑致民施其惠散其利鄭玄注謂恤民之艱阨也以

賙衣食曰惠以作事業曰利

移民通財

周禮司徒職云大荒大札則令邦國移民通財舍禁

弛力薄征緩刑

惠在愛民

家語子游問於孔子曰夫子之極言子產之惠可得聞乎孔子曰惠

在愛民而已子游曰愛民之謂德教何翅任惠者哉

仁足惠下

漢張湛詳威嚴

康濟

小民

尚書蔡仲孔安國傳云康安也汝為政當安小民之居也

博施於民

論語博施於民

而能濟衆堯舜其猶病諸孔安國曰君能廣施恩惠度民於患堯舜至聖猶病其難漢書云朱邑字仲卿廬江人少為桐鄉嗇夫廉平不苛以愛利為行未嘗笞辱人也

愛利為行

大小感悅

東觀漢記鄧訓字平叔為護羌校尉諸胡俗皆耻病臨困輒以刀自刺訓聞有疾困者輒使醫藥療之差者甚

多大小感悅訓卒遂家家為訓立祠每有疾病輒禱請求福也

視民如傷

左傳云國之興也視

民如傷是其福也及其衰也以民為土芥是其禍也

視民如子

賈誼新書云鄒穆公親賢以定

國視民如子又漢書召信臣為上蔡長視民如子遷南陽太守其治民如在上蔡也

治有惠政

後漢書云張訓遷丹陽太守治有惠政

外播惠政

應璩與梁州刺史劉文與書曰足下內挹

叔夷之清節外播二南之惠政德教加于百姓要道過於諸國之卿也

民懷其惠

東觀漢記

云朱暉為臨淮太守民懷其惠

吏民所愛

後漢書云劉寵除平陵令以仁惠為吏民所愛母疾

棄官去百姓將送塞道

愍哀病徒

東觀漢記曹褒為城門校尉愍哀病徒親自省治醫藥康

粥

義葬流民

潁川太守王立義葬流民蔡邕頌云哀此骼皆寬體孤魂遭水為泥逢風成塵

殮以時服
葬以洛濱

手筆作議所活甚多

東觀漢記徐龍為廷尉云

冬月

斷囚夫妻垂泣

盛吉詳廷尉

仁風翔於路衢禮讓行於士

女

太常趙咨贊云天下信之如日月仰之如雲雨仁風云云

增為政惠裕

唐書開元初裴

子餘屢遷冀州刺史為政惠裕人稱有恩

以惠化稱

苗晉卿寬厚所至以惠化稱

惠

利可紀

劉晏天寶中補溫令所至有惠利可紀

慈惠為本

德宗時袁滋求外遷為華

州刺史專以慈惠為本未嘗設條教民愛向之

呼慈父

李桐客貞觀初為通巴二州刺史治尚清

平民呼為慈父

弛下戶

宋史崔立字本之歷通判廣州許州會滑州塞決河調民出芻槌命立提

舉受納立計其用有餘而下戶

有惠愛

唐書王質為河南尹徙宣

歛觀察使為政必先究風俗所至有惠愛

有惠政

裴琰之為永年令有惠政吏刻石頌美

自曝祈雨

高宗永徽中田仁會為平州刺史歲旱自曝以祈雨雨大至穀遂登人歌之曰父母育我

今田使君挺精誠兮上天聞田中致雨兮山出雲倉廩實兮禮義申願君常在今不患貧

造舟以

濟

宋史蕭振微時居瀕江見過客與掌渡者爭多溺死振造大舟傭工以濟人感其德迄為南宋名臣

與民休息

范應鈴開禧間調衡州錄事總領聞應鈴名辟為屬改知崇仁縣將代政如始至每歲抄

與百姓休息閭閻債負蠲租稅釋囚繫恤生瘞死崇孝勸睦仁民厚俗之事悉舉以行

視民疾苦

宋太祖以潘美尹崇珂為嶺南轉運使以王明為副使明偏歷部內視民疾苦舊無名科歛悉條奏除之嶺表

遂安

還所侵田

鄆州牧馬草地侵民田數百頃牒訴連上凡五遣使按視不決素逢吉受命往

則悉還所侵民田民咸德之

均賦他郡

唐書韓休為虢州刺史虢于東西京為近州乘輿所

至常稅廩芻休請均賦他郡中書令張詠曰凡虢而與他州此守臣為私惠耳休復執論吏白恐忤宰相意休

曰刺史幸知民之歎而不救豈為政哉雖得罪所甘心焉訖如請

法外縱舍

袁滋為刺史民

犯令者時時法外縱舍得盜賊或哀其窮出財為償所亡

加意勞徠

陳君賓貞觀初徙鄧州刺

史州承喪亂百姓流亡君賓加意勞徠不期月皆還自業明年四方雨勞獨君賓所治有年儲倉充羨蒲虞二

州民就食其境太宗下詔勞之曰去年開內六州各不登餼糧少折民逐食聞刺史與百姓識朕此懷務相安

養還無贏糧出布帛贈遺行者此知水旱常數更相拯贍禮讓興行變流薄之風朕顧何憂已命有司錄刺史

以下功最百姓養
戶免今年調租

思之不忘

宋史楊時歷知劉陽餘
抗蕭山三縣皆有惠政

民思之不忘

民頌其愛

唐書張延賞更歷四
鎮所至民頌其愛焉

患申請不

實

崔衍遷宣歙池觀察使簡靜為百姓所懷後為虢州
刺史秦州郡多巖田又邛傳劇道屬歲無秋民舉流

亡不蠲減租額民無生理臣見長史之患在因循不以
聞不患陛下之不憂恤也患申請不實不患朝廷之不

矜貸也德宗聽之
為詔度支減賦焉

與下共勞苦

殷侑為昌義軍節度
使于時疫荒之後骸

骨蔽野墟里生荆棘侑單身之官安足粗淡與
下共勞苦以仁惠為治歲中流戶襁屬而還

賑卹一

原救災卹隣

左傳曰晉薦饑使乞糴于秦秦伯謂百里
奚與諸乎對曰天災流行國家代有救災

卹隣道也行道有福于是輸粟於晉
自雍及絳相繼命之曰泛舟之役

分貧拯窮

左傳楚子

使然丹簡上國之兵於宗丘且撫
其民分貧拯窮長孤幼養老疾

慈幼卹孤

通窮

振困

管子云九惠之教一曰老老二曰慈幼三曰卹孤
四曰養病五曰合獨六曰問病七曰通窮八曰振

困九曰
接絕

賑艱阨

周禮鄉師職云以歲時巡國及野而
賑萬民之艱阨以王命施惠鄭玄注

曰艱阨
饑乏也

哀窮賤

裴秀新詩曰姬文發號先哀哀矜窮
賤齊景吐德音嬰稱治國半注曰齊

景見長年負薪而饑色悽然傷心命吏養焉
晏聞之再拜而賀曰君吐此音宜治國半也

賜貧窮

賑乏絕

禮記月令季春之月命有司發倉廩
賜貧窮賑乏絕鄭注云賑猶救之

出貨財

振困乏

春秋繁露董仲舒五行逆順云火者夏成長也
本朝舉賢良進茂才官得其能任得其力賞有

功封有德出貨財振困之正封疆使四方恩及于火則火順人而甘露降

巡孤寡供乏困

左傳子西曰昔閭閻在國天有苗厲親巡孤寡而供其乏困在軍熟食者分而後敢食

卹鰥寡

振不足

新序曰楚人有獻魚楚王者曰今日漁獲食之不盡賣之不售棄之又惜故來獻也楚王曰漁

者仁人也其以此諭寡人也乃遣使卹鰥寡而存孤獨出倉廩發幣帛而賑不足罷去後宮不御者出而妻鰥夫楚民大悅隣國歸之私財為饘粥

王薈為吳郡內史其年大饑荒薈出私財為百姓饘

粥全活甚多

私米賑餘敝

虞氏家記曰虞潭為南康內史於時年荒潭內出私米二千七

百斛賑其餘敝

載米給貧民

東觀漢記梁高饑年穀貴有饑餒輒遣蒼頭以車載米菜錢於

四城外給

出穀贍貧民

會稽典錄云駱駿字孝遠烏傷人孝靈帝擢拜丞相出倉

與貧民

見穀以贍
貧乏者

出粟以貸

左傳云宋饑平
公出粟以貸

以穀給民

王隱

晉書云華譚字令恩廣陵人為邾令司徒王戎聞在政
有稱而時軍民從役荒以穀三百斛與譚使給饑餓譚
給無困者

開倉振民

晉書郭默為東郡太守值歲荒人饑
默輒開倉振給乃舍都亭自表待罪

朝廷嘉默憂國詔書褒歎比之汲黯班
告天下若郡縣有此比者皆聽出給

賑貸貧民

晉中

興書鄧攸為吳郡
守輒賑卹貸貧民

出裘衣寒者

賈誼云楚昭王當房
而立愀然有寒色曰

寡人朝饑時酒二醑重裘而立猶憊然有寒氣將奈百
姓何是日也出府之裘以衣寒者出倉之粟以賑饑者
居二年閭閻襲卽昭王奔隨諸當房之賜者請還死寇
闔閭一夕而十徙卧不能賴楚戍師而去昭王乃復當
房之德也

解裘衣老人

戰國策齊襄王立田單相之過淄
水有老人涉淄而寒出不能行坐

于沙中田單見其寒欲使後車分衣無可以分者單解裘而衣之

五穀贖百里奚

史記

云穆公以五羊皮贖百里奚於楚號為五穀大夫

左驂贖越石父

又云越石父在縲紲

中晏子出遇之途解左驂贖之載歸弗謝入閨久之越石父請絕晏子懼然攝衣冠謝曰嬰雖不仁免于於厄子何求絕之速也越石父曰不然吾聞君子屈於不知已而申於知己方吾在縲紲中彼不知我也夫子既以感悟而贖我是知己知已而無禮固不如在縲紲中晏子於是延入為上客

外御妻貧人

管子云桓公之平陵家有九子年老者而自養者公問其故對曰吾有子九人家無以妻之盡居傭而未返桓公出外御五人為妻之

乘輿濟溱洧

孟子子產以其乘輿濟人於溱洧

增私財

全活

唐書高宗時王方翼為肅州刺史儀鳳間河西蝗獨不至方翼境而他郡民或餓死皆重跣走方翼

治下乃出私錢作水碓薄其贏以濟饑瘵
構舍數十百楹居之全活甚衆芝產其地

斥俸給貧

馮元淑歷清漳後儀始平三縣令所至不挈妻子斥俸
餘以給貧窮人咸譏其近名元淑曰吾性也不為苦中

宗降璽書勞勉付狀史官 卹嫠女 帝殺憲露車載尸故吏奔匿網

為瘞訖乃去歸唐官太子少保尚書詹事憲女 視其
嫠居網厚卹之及網卒女被髮號哭如喪其親

孤 孟簡字幾道尚節義與之 解腰金 續文獻通考曰
交者雖沒視其孤不少哀 宋趙閱道知趙

州歲大歉公集富民誘以賑濟之義自解腰
問金帶置庭下于是施者雲集全活甚衆 出俸粟

宋史林槩以秘書省校書郎知常縣歲大饑富人閉糴
以邀價槩出俸粟庭下勸士豪輸數千石以飼饑者

代婚嫁

事文類聚曰柳仲郢父子仕更九鎮屢為京
兆河南尹每早潦必貸匱闕負里無逋家衣

冠子女不能自歸者代
婚嫁之其迹畧相同

資喪

郭元振為太學生家嘗
送資錢四十萬會有線

服者叩門自言五世未葬乞假
以治喪元振舉以與之無少吝

不禁他遷

唐書張延
賞為淮南

節度使歲旱民他遷吏禁之延賞曰食者人視以為活
拘此而斃不如適彼而生苟存吾人何限為乃具舟遣

之敕吏為修室廬已逋
債而歸者更增于舊

虛張平糶

宋史畢仲游字公
叔以秘閣校理知

耀州是歲大旱仲游先民之未饑也揭諭境內曰郡賑
施與平糶若干萬石實虛張其數富室知有備亦相勸
發廩凡民就食者十七
餘萬口無一人去其鄉

示糠餅

元史延祐間蓋苗登
進士第授濟寧路單

州判官歲饑白郡府會他邑亦以告郡府遣苗至戶部
以請戶部難之苗伏中書堂下出糠餅以示曰濟寧民
率食此况不得此食者尤多豈可坐視不救
乎因泣下時宰大悟凡被災者咸獲賑焉

貸佃人

宋史李燔添差江西運司幹辦公事常言社倉之置僅貸有田之家而力田之農不得沾惠遂倡議裒穀立倉

以貸佃人

旌義民

明紀事本末宣德五年江西淮安饑吉水民胡有初山陽民羅振出穀千餘石

賑濟命行人齋璽書旌為義民復其家

安流民

州事文類聚曰富弼知鄆州自鄆移青會河朔大

水民流京東擇所部豐稔者三州勸民出粟得十五萬斛益以官廩隨所在貯之得公私廬舍千餘萬間散處

其人山林河澤之利可取為生者聽流民取之其主不得禁凡活五十萬人募為兵者又萬餘人前此救災者

皆聚民城郭中煮粥食之多致疾疫或待次數日不食得粥皆僵仆名為救之而實殺之自公立法簡便天下

傳以法

親至邨谷

宋史李道傳提舉江東路常平茶鹽公事條上荒政與漕臣真德秀賑饑

道傳分池宣歙三州窮冬行風雪中雖深邨窮谷必至攝宣州行朱熹社倉法上饒新安諸郡翁然應命人蒙

其利分賑其鄉劉清之調萬安丞時江右大疫州縣議減常平米直清之曰此惠不過三十里

內耳外鄉遠民豈能奉老幼疾患之人必有餒死在我有政使大家得錢細民得米兩適其便乃請均境內之

地為八俾有粟者分賑其鄉官為主之規畫防閭民甚賴之帥龔茂良以救荒實迹聞于朝減抑

米價

續文獻通考曰明周忱巡撫直隸初至蘇州屬大饑穀貴忱廉得江浙湖廣大稔令人索金至其地

故抑其直勿糴且結言吳中米價高甚用是三省大賈販米數百艘集吳中忱乃下令盡發官廩貸民半收其

直城中米價驟減各賈進退兩難只得賤興役濟民糴忱復椎牛灑酒謝之各賈大歡而去

范仲淹守杭值歲大侵縱民競渡日張宴湖上自春至夏富民空巷出遊又詔僧修寺及新倉廩吏舍日役千

夫監司核其不卹荒嬉遊無節公乃條叙所以授醫皆欲發有餘之財以惠無者是歲兩浙無流民

藥

宋史仁宗哀病者乏良醫為頌慶厯善救方知雲安軍王端請官為給錢和藥予民遂行於天下嘗因京

師大疫命太醫和藥內出犀角二本析之視之其一通天內侍李舜舉請留供服御帝曰吾豈貴異物而賤百

姓竟碎之

置坊院

宋制凡鰥寡孤獨癯老疾廢及貧乏不能自存應居養者以戶絕屋居之無則

居以官屋以戶絕財產充其費不足則給以常平息錢崇寧初蔡京當國置居養院安濟坊給常平米厚至數倍差官卒充使令置火頭具飲膳給以衲衣絮被州縣奉行過當或具惟帳雇乳母女使糜費無藝不免率歛貧者樂而富者擾矣

賑卹二

擅賑貸附

原振廩

楚大饑莊王乃自廬以往振廩同食注振廩開倉同食上下無異食也

竭粟

宋公

子鮑禮於國人宋

愍饑寒

後漢王望為青州刺史行部見饑寒者愍之以便宜

出所在布粟賑給之上欲

貸喪祭

漢王莽時人欲祭祀喪紀而無用者

錢府以所入工商之貢但賒之祭祀無過旬日喪紀無過三月依周禮也

無滯積

傳曰晉

謀息人乃輸積聚以貸自公以下苟有積者盡出之國無滯積亦無困人

不書貸

宋饑司

請出粟以貸司城氏貸而不書宋無饑人叔向曰樂氏其以宋升降乎施而不德貸而不書

舍償

債

晉王長文字德潛太康中蜀土荒殍開倉賑貸長文居貧無以償郡縣切責送到州刺史徐幹舍之不謝

而**止要利**

晉張駿境內饑譚祥時出倉穀貸取三倍利陰據曰是因饑要利乃止

子

皮一鍾

鄭饑人未及麥人病子皮以子展之命隨國人粟戶一鍾

陳氏三量

傳陳氏有

施於人人歸之豆區釜鍾之數其取之公也薄其施之民也厚謂陳氏三量皆登一焉以家量貸而以公量收

匡乏

匡救也

賑窮

儲蓄

虞災

擅賑貸原汲黯

矯制

漢河內饑父子相食汲黯使至河內因矯制開倉賑之朝廷不坐罪

劉頌除名

劉頌

字子雅奉使於蜀表請賑貸不待報而行乃除名也

王蘊左降

晉王蘊字叔仁為吳興守郡荒

賑卹主簿爭云朝廷以為科罪免官士庶詣闕特左降晉陵守

鄧攸免官

鄧攸字伯道以吳郡

守表賑貸未報開倉坐免官

仲謀以身救人

第五訪字仲謀為張掖守歲饑開倉賑給

給吏爭欲上言訪曰若須奏報是棄人也寧以身救百姓上嘉之

仲黃含笑入地

韓韶

字仲黃為羸長開倉賑贍民主者謂不可韶曰以此伏罪含笑入地太守知韶名德不坐

增惠出

一尉唐書負半千調武陟尉歲旱勸令殷子良發粟賑民不從及子良謁州半千悉發之下賴以濟刺史

大怒囚半千於獄會薛元超持節度河讓之曰君有民不能卹使惠出一尉尚可罪耶釋之詰責

參軍韓思復調梁府倉曹參軍會大旱輒開倉賑民州劾責對曰人窮則濫不如因而活之無趣為盜賊

州不能矯發他儲宋史程師孟提點夔部無常平粟建請置倉適凶歲賑民不足即矯發他

儲不俟報吏懼白不可師孟曰必俟報饑者盡死矣竟發之不罪擅發元史王克敬除江浙

行省都事番陽大饑總管王都中出倉粟賑之行省欲罪其擅發充敬曰番陽距此千里比待命民且死彼為

仁而吾屬顧為不先貸後奏明紀事本末洪武二十六年詔戶部諭天下有

司凡遇歲饑先發倉廩先給後聞宣德初河南新安知縣陶鎔奏民饑

貸民然後奏聞著為令

借驛糧千石賑救秋成償還上謂夏原吉曰有司拘文
法饑荒必申報賑濟民饑死久矣陶鎔先給後聞能稱
任使毋責
截留綱運
宋史洪皓為秀州錄事州大水
流移滿路倉府空虛無以為賑

會浙東綱運常平米四萬過城下皓遣吏鎖津柵請守
使截留守不肯曰此御筆所起也罪死不赦皓曰寧以
一身易十萬人命訖留之亡何廉訪使王孝竭至郡曰
平江民哀號訴饑者旁午此獨無有何也守具以對孝
竭曰違制之罪請為君脫之呼吏寫奏皓曰食猶未足
公能終惠更得二萬石乃可孝竭以聞米如數而得
議發封樁
山堂肆考曰范堯夫知慶州饑殍滿路官
無穀以賑卹公欲發常平封樁粟麥濟之州

縣皆欲俟奏請得旨而後散公曰人七日不
食即死何可待報諸君但勿憂吾寧獨坐罪

求糴

原禮

傳曰京師來告饑魯侯為請糴于宋衛齊鄭禮也

正

穀梁臧孫辰告糴于齊諸侯相歸粟

正也告然後與之言內無外交

古制

曰國語魯饑臧文仲請糴于齊公曰誰使文仲曰卿出告糴古之

制也辰也備卿辰請如齊公使往遂以皂圭玉磬如齊告糴曰敝邑薦饑大懼殄周公魯公之命祀而獲戾不

忝先君之敝器敢告滯積以紓執事救敝邑使能供職

私行

穀梁臧孫辰告糴于齊國無三年之

蓄曰國非其國也一年不升告糴諸侯非正也故舉臧孫辰以為私行也注云為內諱故不言使若私行也

無蘊年

蘊年為蘊蓄年穀而閉糴也

無遏糴

蔡丘盟曰無遏糴

歸粟

于蔡

以周亟矜無資

閉糴于秦

傳曰晉饑秦輸之粟秦饑晉閉之糴故秦伯伐晉獲晉侯

增增糴

宋史太宗恭儉仁愛勸民務農重穀又置常平倉乘時增糴唯恐不足真宗繼之於是推

廣淳化之制而常平
惠民倉殆遍天下矣

歲糶

張詠治蜀歲糶六萬石貯之

增價以

糶趙抃知越州揭榜於通衢令民有米增價以
糶于是米商輻輳越之米價頓減民無饑死

賑糶

紹興三十一年民多艱食詔臨安府并屬縣以常平米
減時價之半賑糶十日輔近郡之民令諸州以常平錢

賑之元史至元二十二年始行賑糶之法于京師分
遣官吏發海運之粟減其市直以賑糶焉成宗時以賑

糶多為豪強嗜利之徒用計巧取弗能周及貧民
于是令有司籍貧乏戶口之數劾實以賑糶焉

平

糶宋史臨安府又有平糶倉舊貯米數十萬石糶補循
環其後用而不補所有無幾咸淳元年詔豐儲倉撥

公田米五十萬石付平糶倉遇米貴平價出糶

告糶

黃幹知漢陽軍值歲饑糶客米發常平以賑制

置司下令欲移本軍之粟而禁其糶幹報以乞候幹罷
然後施行及援鄂州例十之一告糶于制司荒政具舉

抑價

續文獻通考曰明成化六年將京通二倉糧米發糶五十萬石每杭米收銀六錢粟米五錢以

殺京城米價

閉糶之禁

唐書崔倭遷湖南觀察使湖南舊法雖豐年貿易不出境隣部遭荒

不卹也倭至謂屬吏曰此豈人情乎無閉糶以重困民
削其禁自是商賈流通資物益饒宋史理宗朝撫州
饑起黃裳知其州單車疾馳申約富人耆老集城中無
過某日至則大書閉糶者籍強糶者斬揭于市坐驛舍
治文書不入州治不抑米價價日損請于朝給爵旌勞
者而後入紹興時詔閉糶者斷遣待御史周秘言許
以斷遣恐貪吏懷私善良被害宜戒
守吏多方勸諭務令樂從為便從之

原匡困資無

同卹災危

備救凶患

匡救其災勿虛其請

幸

災歛怨安可蘊年

凶年補敗或闕於宿儲

善隣卹

災方資於乞糴 災維代有宜酌義於泛舟 仁必矜

無豈忘情於歸粟

帖白

興利

原好為民興利務在富之

漢書召信臣遷南陽太守好為民興利務在富之躬勸耕

農行視水泉開通溝瀆起水門堤閘凡數十處以廣溉灌歲歲增多至三萬頃民得其利信臣為民作均水約束刻石立于田畔以防分爭

為百姓興利郡以殷富

漢書荊州刺史秦召信臣

為百姓興利郡以殷富賜黃金三十斤

富民之術日引月長

魏志劉馥子靖出為

河南尹應璩書與靖曰入作納言出臨京任富民之術日引月長

必先富民

管子云凡為國

之道必先富民民富則易治民貧則難治治國常富而亂國必貧也

入務利民

春秋云晉侯出

定襄王入務利民

開澮興造民賴其利

崔氏集崔瑗為汲令有澤田不殖五穀瑗

為開澮興造蒲萑之地更為沃壤民賴其利

稻田歲增民賴其利

魏志鄭渾為沛

郡太守郡界下濕興陂遏開稻田頃畝歲增民賴其利刻石頌之號曰鄭陂

開道通溝民

得其利

名信臣詳上

嚴使儲水百姓為便

東觀漢記廉范字叔度為蜀郡

太守舊制禁民夜作以防火災范乃毀削先令嚴使儲水百姓為便

開治稻田百姓殷

富

又云張堪為漁陽太守開治稻田八千餘頃百姓于是殷富

興鴻郤陂常以豐

熟

又云鄧晨為陳留郡興鴻郤陂溉郡稻田常以豐熟兼流給他郡詳太守

教民糞種勝

之書云昔湯有旱災伊尹作區教民糞種乃負水澆稼收至畝百石勝之試為之收至畝四十石

教

民牛種

續漢書任延字長孫為九真太守教民牛耕鑄作田器民以利之

益蓄菱芡

漢書龔遂為渤海太守見齊俗奢侈好末伎不田作乃躬率以儉約勸民農桑春夏不得不趣田畝秋冬課收飲益蓄果實菱芡勞徕循行郡中皆有蓄積吏民皆富實詳太守

育養漆園

魏志顧南太守

傅方到郡以來育養漆園之樹念存軍國用心纖微

治作水排教化大行

張璠漢記

曰杜詩為南陽太守治作水排教化大行號曰杜母

因流為排利益三倍

魏志韓暨

為監治謁者舊時治作馬排每一熟食用馬百匹更作人排又費功力暨乃因長流為水排計其利益三倍于

前詳

斥鹵生稻梁

呂氏春秋云魏襄王時史起為鄴令決漳河灌田鄴民大怨欲籍起

起不敢出而避之王乃使他人遂為之水已行民大得其利相與歌曰鄴有聖令史公決漳水灌鄴旁終古斥

鹵生
稻梁

涇水長禾黍

詳涇水

蒲萑之地更為沃壤

崔瑗詳前

曩之鹵田化為甘壤

蔡邕京兆契君傳云曩之鹵田化為甘壤熙怡悅豫相與謳歌

增耦耕法

唐書高宗朝王方翼以功遷夏州都督屬牛疫民廢田作方翼為耦耕法張機鍵力

省而見功多
百姓順賴

均水法

戴叔倫試守撫州刺史民爭溉灌為作均水法俗便利之

無棣渠

薛大鼎以功遷滄州刺史無棣渠久廢塞大鼎浚治屬之海商賈流行里民歌曰新溝通舟楫

利屬滄海魚鹽至昔徒行
今騁駟美哉薛公德滂沛

平津堰

李吉甫以宰相出為淮南節度使築

富人固本二塘既田且萬頃漕渠庠下不能居
水乃築堤闕以防不足洩有餘名曰平津堰

水利

圖

宋史程師孟字公闢徙知河東路晉地多土山旁接川谷春夏大雨水濁如黃河俗謂之天河可灌溉師

孟勸民出錢開渠築堰淤良田萬八千頃哀其事為水利圖經頒之州縣

補闕柳

唐書辛仲甫以

右補闕為彭州先是州少種樹暑無所休仲甫課民栽柳蔭行路郡人德之名為補闕柳

因高築

障

韋景駿歷肥鄉令縣北瀕障連年泛溢舊防迫漕渠雖峭岸隨即壞決景駿相地勢益南千步因高築障

水至堤趾輒去其北燥為腴田功少費約後遂為法

毀磴決水

元史耶律伯堅為清苑縣尹縣

西有塘水溉民田甚廣勢家據以為磴民以失利伯堅命毀磴決其水而注之田許以溉田之餘月乃得堰水

置磴仍以其事聞省部著為定制

修陂渠以復舊迹

宋史趙尚寬字

安仁子也嘉祐中以考課第一知唐州唐素沃壤經五代亂田不耕民稀賦不足以充役議者欲廢為邑尚寬

曰土曠可益墾辟民稀可益招徠何廢郡之有乃按視圖記得漢名信臣陂渠故迹益發卒復疏三陂一渠溉由萬頃又教民自為支渠數十轉相浸灌而四方之民來者雲布尚寬復請以荒田計口授之及貸民官錢買耕牛比三年榛莽復為膏腴尚寬勤于農政治有異等之效三司使包拯與部使者交上其事仁宗聞而嘉之而王安石蘇軾作

城安慶以固疆禦

黃幹知安慶府請于朝城安慶

以備戰守即日興工分十二料先自築一料計其工費若干然後委官吏寓公士人分料主之城成會上元張燈士民扶老攜幼有老嫗百姓二子輿之諸孫從至府致謝幹禮之命具酒炙且勞以金帛嫗曰老婦之來為一郡生靈謝耳太守之賜非所冀也不受而去後二年金人破黃州淮東西皆震動獨安慶安堵如故繼而霖潦餘月巨浸暴至城屹然無虞舒人德之相謂曰不殘于敵不蹈于水生汝者黃父也

鄰州導

水圖

肅州元史至元九年耶律伯堅為保定路清苑尹初安肅州苦徐水之害訴於大司農大司農官欲奪水

故道導水使東東則清苑境也地勢不利果導之則清苑被其害而水亦必反故道為災伯堅陳其形勢圖其

利害要大司農司官及都守行視可否事遂得已

海上澄清錄

宋史紹興中崔與之特授

廣西提點刑獄徧歷所部至浮海巡朱崖朱崖地產苦蒼民或取葉以代茗州郡征之歲五百緡瓊人以吉貝

為衣衾工作皆婦人役之有至期年者民尤苦之與之皆為榜免其他利疾罷行甚衆瓊人次其事為海上澄

清錄遂無凶年

唐書王起為山南東道節度使濱海塘堰聯屬吏弗完治起至部先修復與民

約為水令遂無凶年

民賴其利

宋史陳堯佐知并州每汾水暴漲州民擾亂堯佐為築堤植柳

數萬本作柳溪民賴其利

築堤修堰舉以利民

張綸有才畧所至興利除害除江淮

制置發運副使疏五渠導太湖入海又築漕河堤二百里于高郵又泰州有捍海堰延袤百五十里久廢不治歲患海濤冒民田綸方議修復論者難之以為濤患息而蓄潦之患興矣綸曰濤之患十九而潦之患十一獲多而患少豈不可耶表三請願身自執役兼權知泰州卒成堰民利之

瀕海廣瀉並為

膏土

元史烏克遜澤至元末為廣西兩江道宣慰副使雷州地近海潮汐蓄其東南陂塘鰥鹵農病焉而

西北廣衍平袤宜為陂塘澤行視城陰曰三溪徒走海而不以灌溉此史起所以薄西門豹也乃教民浚故湖築大堤塢三溪瀦之為斗門七堤塢六以制其贏耗為渠二十有四以達其注輸渠皆支別為牐時其啟閉計得良田數千頃瀕海廣瀉並為膏土

方畧

原方畧耳目發伏禁姦

漢書張敞字子高河東平陽人為京兆尹方畧耳目發伏禁姦

治有方畧為民興利

又曰召信臣舉高第選上蔡宰視民如子還南陽太守其治如

在上蔡為人勤有方畧云云

長於計策功費約省

漢官儀云成帝時王延世以校

尉領河隄詔曰東郡決河流漂二州校尉延世隄防立塞改為河平元年惟延世長於計策功費約省以延世

為光祿寺大夫秩二千石

以一警百吏民恐懼

漢書尹翁歸為東海太守其治以一

警百民皆恐懼改行自新

以便宜從事

龔遂為渤海太守上問何以息盜賊遂曰臣聞治亂

民猶治亂繩不可急也唯緩之然後可治臣願丞相御史且無拘臣以文法得一切便宜從事上許焉

有蒞任之方

晉中興書琅邪諸葛錄云忻字道明為會稽太守臨行上為置酒謂之曰今日會稽

昔之開中足食足兵在於良守
以君有蒞任之方是以相屈也

西門豹為河伯投巫

於河

詳縣令

宋均為唐山娶巫家女

東觀漢記宋均字叔庠為九江太守

有兩山名曰唐后山有神祠衆至共為嫁娶皆取百姓
男女不復要娶巫家女百姓患之長史莫敢改之均乃
移書曰自今已去當為
山娶巫家女其後乃絕
印綬示劫典錄云張敞為太

郡界持三人以為質敞聞之自往詣劫所曉諭之曰釋
質太守釋汝乃解綬印以示之曰大夫不敢欺賊釋質

自首遂解縱之遂自
劾詔復其冠履如故

破械遣囚

魏志田豫為南陽太守先是郡人侯音反

前太守收其黨五百人表奏皆當死豫悉見慰諭
破械遣之諸囚叩頭願自劾即相告語一朝解散

石

犀厭水

蜀王本紀云江水為害蜀守李冰作石犀五枚
二在府一在市橋二在淵中厭水精因曰石犀

里

聽民輸芋

汝南先賢傳云袁安為陰平長民饑
租調不入聽民輸芋頭惠澤流著

除藻飾割浮費

又云應華為將作大匠發
姦摘伏除藻飾割浮費

賴遇賢令

謝承後漢書彭修字子陽海賊丁義欲向郡內驚惶
不能捍禦太守聞修義勇請守吳令身與義相見宣國

威德賊遂解去民歌之曰時歲倉卒盜賊
縱橫大戰強弩不可當賴遇賢令彭子陽

風俗頗革

後漢周舉為并州刺史太原舊俗介子推焚骸有龍忌
之禁咸言神靈不樂舉火每冬中輒一月寒食歲多死

者舉既到州作書置子推廟使
還溫食于是風俗頗革詳寒食

桴鼓希鳴市絕偷盜

詳京

增耳目方畧

宋史英宗時李清臣出提點京東
刑獄齊魯盜賊為天下劇設耳目

方畧搜捕且盡

治多方畧

唐書德宗朝戴叔倫遷容管經畧
使其治清明仁恕多方畧故所至

稱最德宗嘗賦
中和節詩賜之

無他方畧

吳少誠拒命詔合十七鎮
兵討之以韓全義為淮西

行營招討使諸鎮兵皆屬全義無他方畧號令悉稟監
軍每議攻戰宦豎十數紛爭帳中小人好自異互詆訾

不能

禦賊方畧

明紀事本末正德時許達為山東樂
陵令流賊劉六劉七等橫行河北達

修城濬隍踰月而成又使民家各築牆高踰屋簷仍開
牆竇如圭僅可容一人家令一壯丁執刀俟于竇內其

餘人皆入隊伍令守號令視旗鼓進退違者無赦又設
伏巷中洞開城門未幾賊果至舉旗伏發賊火無所施

兵無所加盡擒斬
之自是賊不敢進

一切呵止

唐書宣宗時黃播為京
兆尹時禁屯列畿內者

出入屬鞮佩劍姦人冒之以剽劫又勲戚家馳
獵近郊播請一切呵止盜賊不能隱皆走出境

令相

告捕

宋史張栻知江陵府湖北多盜往往縱釋以病其
良民栻首核大吏之縱賊者捕斬縣民之舍賊者

令其黨得相告捕以除罪羣盜皆遁去

挺身叩壘

唐書劉潼為京兆少尹山南有劇賊依山

為剽宣宗怒欲討之宰相崔鉉請遣使諭釋之詔潼馳往潼挺身直叩其壘曰有詔赦爾罪盜皆列拜約潼就

館而

至壁撫諭

始安賊歐陽倩衆數萬剽沒州縣以降裴懷古為桂州都督未踰嶺先以書

諭禍福賊迎降自陳為吏侵而反懷古知其誠身至壁撫諭倩等大喜歸所掠出降雖諸洞素反覆者亦牽連

振附嶺外平

舉沒占田

永徽中賈敦頤遷洛州刺史有豪右占田踰制敦頤舉沒三千餘頃

以賦貧民

燒薤壕草

宋史辛仲甫知彭州州卒誘營兵及諸屯戍謀以長春節宴集日為亂屬

春初仲甫出城巡視見壕中草深意可藏伏命燒薤之亢黨疑謀泄有自首者乃擒之

拊納逃

卒

程顥出為鎮寧軍判官程昉治河取澶卒八百而虐用之衆逃歸羣僚畏昉欲勿納顥曰彼逃死自歸弗

納必亂若昉怒吾自任之即親往啟門拊勞
約少休三日復役衆驩踴而入具以事上

撫定流

民明紀事本末鄭陽地界湖廣河南陝西三省又多曠
土山谷阨塞林菁蒙密為流民窟穴成化間流民無

慮百萬劉千斤李鬍子搆亂荆襄白圭項忠相繼勦滅
每至歲饑民入山就食勢不可止乃命原傑經畧鄭陽

撫定流民傑乃增置郿縣深山窮谷無不親至宣朝廷
德意問民疾苦于是籍流民得十一萬餘戶遣歸故土

者一萬六千其願留者九萬六千餘戶許各自占曠土
官為計丁力令開墾為永業割地三省設置六縣而鄭

陽儼然重鎮焉揭方治蠱宋史趙尚寬知忠州俗畜蠱殺人
尚寬揭方書市中教人服藥索為

蠱者窮治寘于理大化其俗造舟計直張翥知處州嘗欲造大舟
幕僚不能計其直翥教以

造一小舟量其尺寸而十倍算之片言定變政和時蕭振調婺州兵
曹兼功曹時盜賊所在

猖獗婪卒揚言欲叛以應賊有一軍官素得軍志守疑而罷之羣卒數百人被甲挺刃斬儀門入振聞即往羣卒羅拜呼曰某等屈抑願兵曹理之振使之言厲色叱曰細事耳車駕南巡大兵咫尺汝速死耶急釋械當為汝言衆拜謝而去太守由是益相信事悉與謀之

亟出慰勞

李舜臣調卹州主簿歲大侵饑

民千百持鉏棘大呼響震邑市令懼閉門舜臣曰此非盜也何懼為亟出慰勞之

區處檢防

亡匿復業

唐書李傑以抹訪使行山南時戶口逋蕩細弱下戶為豪力所兼傑為設科條區處檢防

亡匿復業者十七八

按墾廢田邑閑如初

徐申遷韶州刺史自兵興四十年刺史

以縣為治署而令丞雜處民間申按公田之廢者募人假牛犂墾發以所收之半畀之田久不治故肥美歲入凡三萬斛諸工計所庸受粟有差乃徙治故州未幾邑閑如初

勸課

原興教勸學

左傳衛文公大布之衣大帛之冠務財訓農通商惠工興教勸學授方任能元年革

車三十乘季年乃三百乘

正學為基

潛夫論云凡為治之體莫善於抑末而務本夫為國者以

富民為本以正學為基民富乃可教學正乃得義

起學成都

漢文翁為蜀郡

執經

教授

魏志杜畿為河東太守冬月修戎講武日開學宮親自持經教授郡中化之

勞農勸

民

禮記月令云孟夏之月令野虞出行田原為天子勞農勸民謹桑重農故勞勸之

命農勉

作

禮記月令孟夏之月命農勉作無休于都鄭玄注急趨農事

巡其稼穡

周禮遂師職云

巡其稼穡而移用其民以救其時事

勸民農桑

名信臣詳興利

教民織履

東觀

漢記范克為桂陽郡俗不種桑無蠶織之利民情少織履冬皆以火燎克為令屬縣教民種桑柘養蠶織履數年之間大賴其利

教民紡績

崔寔傳云寔為五原斥賣儲峙為作紡績織紉練緼之具以教

之民得以免寒苦

龔遂令渤海種榆

龔遂詳興利又魏志鄭渾為魏郡太守百姓乏

材木乃課種榆為籬種五果云云

王景教廬江種桑

東觀漢記建初八年王景為廬

江太守乃教民種麻桑而養蠶

饒彼南畝田畯至喜

毛詩甫田篇云云鄭玄箋云饒

饋田飯田畯司嗇今之嗇夫也謹按嗇夫勸農之使勸將南畝饋餉飯喜樂其事

星言夙駕

說于桑田

毛詩定之方中云云鄭玄箋云星雨止見也夙早也衛文公于雨下欲主駕欲往說于桑

田教民稼穡急務農之人

晝爾于茅宵爾索綯

毛詩七月云云傳曰宵夜也綯絞也

芟云爾汝常晝日往取茅
歸夜作絢索以待時用

農無廢業野無空地

新序子產

相鄭增興學校教耕織唐書韋丹為容州刺史教民耕織止惰遊興學校民貧自鬻者

贖歸之教種茶
麥仁化大行

崇學校勸耕桑

元史至元二年李德輝為太原守至郡崇

學校表孝節勸耕桑立社倉一權度凡可
以阜民者無不為之嘉禾瑞麥亦出其境

興學校治

水利

明紀事本末沐英鎮雲南興學校治水利墾
田一百一萬餘畝教化大行雲南遂為樂土

興

學校修屯田

太祖以吳良為江陰守將
興學校修屯田境內帖然

興復學宮

元史

世祖時段直為澤州長官興復學宮迎儒士李俊民為
師以招延四方來學者不五六年學之以通經被選者
百二十
有一人
講敎生徒
唐書大厯初張鑑出為濠州刺史
政調清簡延經術士講敎生徒比

去州升明經者四十人

賞農器

元史泰定間呂思誠改景州務縣尹差民戶為三等均其徭役

刻孔子像令社學祀事每歲春行田樹蓄勤敏者賞以農器人爭趨事地無遺力

給耕牛

唐書

代宗時以闢輔多事後百姓貧田多荒第詔諸道上耕牛委京兆府勸課給牛不滿五十畝不給時表高為給事中請不滿五十畝者

絃誦聲

元史楊景行字賢可登延祐二年進士授

贛州路會昌州判官乃創學舍禮師儒勸民斥腴田以饒士絃誦之聲遂盛

農桑鼓

明紀事本

末太祖令民每卽置鼓凡遇農桑時月晨起擊鼓會田所怠惰者里老督責之不督者罰

勸力田

唐書崔衍調清源令勸民力田懷附流亡

教樹藝

元史姚天福遷山北道按察使其民鮮知稼穡

天福教以樹藝皆至蕃富

拔茶種桑

明紀事本末太祖曰昔人有拔茶種桑民獲其利者

月朔讀法

洪武初監察御史睢稼請命府州縣長吏月朔會民讀法

刺史行春

縣令勸耕

宋史真宗時陳靖條上請刺史行春縣令勸耕靖平生多建畫而于農事尤詳

原

崇肅肅之儀揚濟濟之化

張衡南陽文學儒林書贊云南陽太守上黨鮑君愍文學

之弛廢懷儒林之陵遲乃命匠修而新之云云

田修理賜之以巨觴田蕪穢

戮之以柔桑

使習壤者相澤仁才者播種

並陳思王籍田論

能明農事者置黃金一斤使蠶不病者置黃金一斤

管子

一農不辨民有饑者一女不織民有寒者一年

之計莫若樹穀十年之計莫若樹木終身之計莫若樹

人並管

登金商之館察田夫之私者

陳思王
籍田論

得民

原留蓋

蓋寬饒左遷衛司馬躬行士卒廬室疾病者身
自拊循歲盡交代衛卒數千皆叩頭自請復留

共卒一年以報寬饒
厚德以是顯名也

借寇

寇恂詳
太守

能勞來

鴻雁美
宣王也

萬民離散不安其居而能勞來還
安定集之曰維此哲人為我劬勞

謹待遇

宣詔二千
石云嚴教

吏謹待遇無
令失職之業

扶車流涕

韓延壽棄市吏人數千送至
渭城老小扶車轂奉酒炙延

壽不忍逆人人為飲使
椽吏分謝莫不流涕

守闕號泣

趙廣漢為京兆下
獄吏人或言臣生

無益縣官願代京兆
死使得牧養小民

吏願僵仆

漢趙廣漢以和顏接
士待遇殷勤發於至

試吏皆無隱願為
僮仆無所避也

人恐失之

倪寬為內史收租稅時裁濶狹與民相假貸以

故租多不入以負稅當免人聞當免恐
失之大家車牛小家擔負課為最也

以貴下賤

易

貴下賤大
得民也

以俗教安

司徒以十二教以俗教安則民不偷注俗土地所生習

以養萬民

以保息養萬民六曰慈幼

以道安人

周禮保氏以道安人保安也

視民如傷

傳

安堵如故

漢高入關吏人安堵如故

老者安之

論

黎民懷之

書安民則惠黎民懷之

侯君去必死

侯霸字君房為臨淮大尹

詔徵百姓遮使者車乞留相戒乳婦不舉子曰侯君去必死

廉叔來何暮

廉范詳興利

增還鎮

唐書崔圓徙淮南節度使在鎮六年請朝京師吏民乞留詔檢校尚書右僕射還之

斷橋

宋史孝宗時王十朋出知饒州復移夔州民走諸司乞留不得至斷其橋乃以車從間道去衆葺斷

橋以王公名之

取韓

唐書憲宗時崔戎為華州刺史徙充海沂密觀察使民擁留于道不得行乃休

傳舍民至抱持取其韓時詔使尚在民泣詣使請白天子句戎還使許諾戎恚責其下衆曰留公而天子怒不

過斬吾二三老人則公不去矣戎夜單騎亡去民追之不及乃止

構祠

呂諲在朝不稱任職及為

荊州其治尚威信故軍士用命闔境無盜賊民歌詠之自至德以來處方而數十人諲最有名荆人生構房祠及歿吏哀錢十萬徙祠府西

守前政

袁滋為華州刺史民愛向之名為左金衛大將軍以揚於

陵代之滋行者老遮道不得去於陵使諭曰吾不敢易袁公政人皆羅拜乃得去莫不流涕

翼為

真

元史張起巖弱冠以察舉為福山縣學教諭值縣官缺移攝縣事久之聽斷明允其民相率曰若得張教

諭為真縣尹
吾屬何患焉

受紙百番

唐書杜暹補婺州參軍秩滿歸吏以紙萬番贐之暹為受

百番衆歎曰昔清吏受一大錢何異哉

以姓字子

韓愈初為陽山令有愛在民民生子多以

其姓

至誠感天

宋史王十朋凡歷四郡所至布上恩恤民隱朔望會諸生學宮講經詢政

僚屬問有不善反復告誡俾之自新民輸租俾自槩量聞者相告宿逋亦願償訟至庭溫詞曉以理義多退聽者人無不繪而祠之去之日老稚攀留涕泣越境以送之思之如父母饒久旱入境而雨湖積霖入境即霽凡禱必應誠不獨感人而亦動天地鬼神

歡聲動地

紹定五年起真德秀復知泉州迎者塞路

深村百歲老人亦扶杖而出城中歡聲動地

狄使君活汝

唐書狄仁傑為豫州刺史時越

王兵敗支黨二千人論死仁傑釋其械密疏陳其誣誤至此詔悉謫戍囚出寧州父老迎勞曰狄使君活汝邪

相與哭碑下
齋三日乃去

真直院至矣

宋史真德秀官遊四方所
至惠政深洽不愧其言由

是中外交頌都城人時驚傳須洞奔擁出闕
曰真直院至矣果至則又填塞聚觀不置

不拾遺

原繫樹

魏邨原得遺錢拾以繫樹枝人以爲神人繫
錢邨多謂之神樹祀之原恐成淫祀乃辨之

守劍

後漢王烈在鄉里教化行人有盜牛者主得之盜
曰我將改勿使王烈知也烈聞遺布一端後父老

遺劍于路至夜尋求見一人
守劍于路問之乃昔盜牛者

牛屬稚子

王渙字稚子
爲溫令清商

人露宿于道放牛
者輒云屬稚子

裝付樊父

樊煜字仲華爲天水太
守嚴猛道不拾遺行旅

至聚衣裝道旁
云云以付樊父

得遺尋主

後漢劉矩爲雍丘令有得
遺者皆推尋其主而還之

得遺詣吏

益部閭憲為綿竹令杜成夜得遺裝詣吏曰縣有明府能不慙心

何並

為長陵令路不拾遺

卓茂

為密令道不拾遺

增道不舉遺

唐書郭震拜涼州都

督遣甘州刺史李漢通關屯田稻收豐衍支廩十年牛羊被野治涼五歲令行禁止道不舉遺

未嘗

拾遺

張允濟仕隋為武陽令有行人夜發遺袍道中行十餘里乃寤人曰吾境未嘗拾遺可還取之既而

得袍舉政尤異遷高陽郡丞

道無掇遺

高宗時郎餘慶為萬年令道無掇遺遷御史中丞

路不拾遺

宋史乾道中楊簡知樂平縣興學訓士邑人以訟為恥夜無盜警路不拾遺

境不藏盜

曾公亮以端明殿學士知鄭州為政有能聲盜悉竄他境至夜戶不閉嘗有使客亡索中

物移書詰盜公亮報吾境不藏盜殆從者之虞耳索之果然

御定淵鑑類函卷一百三十

謹案卷一百三十第二十三頁前一行穆爾古蘇
舊作邁里古思今改後倣此

謹案第二十九頁前五行天下不多管仲之賢刊

本多訛知據史記改



總校官庶吉士

臣

張能照

校對官檢討

臣

王福清

謄錄監生

臣

宣葆光